

四庫全書

史部

欽定四庫全書

方輿勝覽卷三十三

宋 祝穆 撰

棗陽軍 棗陽

建置沿革

本漢蔡陽縣地屬南陽郡後漢分蔡陽立襄陽縣屬義陽郡後復置南荊州西魏改

昌州後周改襄陽縣曰廣昌縣隋改廣昌曰棗陽縣唐改昌州曰唐州以棗陽縣屬焉國朝因之中興以來屬隨州莫將申請陞為軍尋降軍使後因京湖制置趙方申請陞棗陽軍今領縣一治棗陽

事要郡名棘陽

風俗佳氣鬱蔥

按東漢長沙定王發子春陵戴侯仁求徙

南陽元帝以蔡陽白水鄉徙仁為春陵侯蔡陽屬南陽郡望氣者蘇伯阿見春陵城郭喟曰氣佳哉鬱鬱蔥蔥

則南陽之春陵也世祖即位形勝漢白水鄉圖經武帝封長沙王

幸春陵復其徭役改曰春陵子買為春陵侯至戴侯仁以春陵地形下濕上書請徙南陽元帝許之以蔡陽之白水上塘二鄉徙仁為春陵

侯光武其後也故張衡賦曰白水龍飛為襄外屏戰守編襄

是也晉改春陵曰安昌郡隋屬昌州峴為今巨鎮而密邇虜境荆湖制置趙方申照得隨州

棘陽又云云稱卑體面不振知縣雖兼軍使境土實隸隨州俾自為郡密護風寒庶壯邊城山川資山在軍

上深邃濶遠居其間者可以耕種修竹巨木環山之民皆資焉故名舊屬隨縣新撥隸棗陽赤眉山

在棗陽縣東北八十里世傳昔武王山在棗陽縣南七

赤眉嘗軍此山下地名北寨十里世傳楚武王獵觀崗見戰榭林崗同白水即白澗水源出澗山南

于此

守編

榭林崗

上

白水

河

澗水

流入昆水西

北入襄陽縣界張衡南
都賦滋濃灤瀆是也
澗水
經襄陽縣界
古跡光武

宅

按本紀注——舊——在今棗陽
東南宅旁二里有白水是也

岑彭馬城

在縣東北
水中有石

羊虎
存焉
駟驕橋

左傳云唐成公有兩駟驕馬今唐城鎮
之南北地名唐里有石刻————三字

蔡

倫池

荊州記在
棗陽縣

名宦岑彭

棘陽人王莽時守
本縣後降光武

人物鄧艾

棘陽人司馬宣王辟
為掾後為將滅蜀

岑文本

棘陽人其父之象仕隋為
邯鄲令坐為人訟不得伸

子文本年十四詣司隸理寃
令作蓮花賦合臺嗟賞焉

題詠曾堰田疇廣

孟浩然
次夕陽

館詩聽歌知近楚投館忽
如歸云云章陵氣象微

重岡九十九

邢居實棗陽道
中詩春仲賦南

征歲暮復北走岐路劇羊腸云云馬瘦須
著鞭袖短難藏手與君從此別把袂倚衰柳何處南陽有

近親

韓愈題廣昌館詩白水龍飛已幾春偶逢遺跡問耕人丘墳發掘當官道云云

四六

疏榮芝檢昔乃雷封春惟斗大之城共理棘陽今為斗壘實控風寒之地

昔非要地第聞百里之絃歌雖號小邦實襄陽之外屏今乃極邊庸作重城之保障正須賢守為并郡之長城

氣望鬱蔥難訪白水真人之故宅兵嚴守衛今為黃堂太守之新疆

郢州 長壽

京山

建置沿革

禹貢荊州之域楚分鷄尾之次春秋屬楚為郊郢秦屬南郡二漢屬江夏郡雲杜縣

之地魏立郢州尋廢晉分江夏郡立竟陵郡宋立郢州梁為南司北新二州之境西魏平漢東以石城為

守境改南司州為安州改北新州為溫州又立富水郡隋廢溫州入安陸郡又廢郢州入竟陵郡唐初於

長壽縣復立郢州後為富水郡復為
郢州皇朝因之今領縣二治長壽

事要郡名富水

風俗民俗朴儉

石才孺風土
考古記云

土饒粟

麥

同上其——|——|有
西北之風聲氣習焉

形勝西浮江漢

唐刺史劉丹記
楚郢之境云

東驚東抵安陸

考古記——|——|
京嶺——|——|西抵荆門

南徑荆湖

張聲道圖經
序東走江淮

西通梁漢云云北則馳

北抵襄陽

考古記云云南抵景
陵蓋通荆襄川陝陳

蔡汝潁舟車往

邳子之國

左傳古石城戍

唐崔耿紀今郢
之理——|——|

也郡跨大江之東因山以為固。圖經子城三面臨漢
墉基皆天造正西絕壁下臨漢江石城之名本此

水以為限

圖經

水急岿高

晉庾亮欲移鎮石城蔡謨曰
自沔以北云云魚貫泝流水

陸異山川章山在長壽縣南西魏平漢東立基州仍統

勢在長壽縣南西魏平漢東立基州仍統
捕木山在長壽縣見左
大洪山在京山詳
石人山在京山形

像如漢江在州之西自北來經石泗河
在長壽縣見左
見隋州注

界白水在京山南四十里左傳楚
昭王奔隨將涉成白即此
曲水池寰宇記梁太

王綸為富水郡太守雅好鹿湖池在長壽縣聊屈山之
麓舊傳有白鹿入水

禱雨即應今井泉煉丹井在長壽縣東南八十步舊傳
為善利廟今縣治乃梅福宅嘗煉丹于

此有井潮井在州北深谷中有泉出于
石日再潮至則有聲如雷
樓臺白雪樓選

玉問客有歌于郢中者其始曰下里巴人國中屬而和
之者數千人其為陽春白雪屬而和者不過數十人故

其曲彌高其和彌寡。今在郡治謝諤重建樓記曰楚地諸州皆有樓觀收攬奇秀而郢之白雪尤雄勝。王介甫寄題——詩折楊黃花笑者多陽春白雪和者少知音四海無幾人况乃區區郢中小千載相傳始欲慕一時獨唱誰能曉古心以此分冥冥俚耳至今徒擾擾朱樓碧瓦何年有棖楠連空欲驚矯郢人爛漫醉浮雲郢女參差躡飛鳥丘墟餘響難再得欄檻茲西樓張名復誰表秋來欲歌聲更苦石城寒江暮空繞繼郢城——吟連山盡塞水滌洄山上戍門臨水開朱欄直下一百丈日煖遊鱗自相向昔人愛險閉層城今人復愛門江清沙洲楓岸無蘭臺在州城龍興寺宋玉所遊堂亭五客來客草綠花開山鳥鳴

堂

唐李昉嘗畫五禽于壁間以鶴為仙客孔雀為益亭南客鸚鵡為隴客鷺鷥為雪客白鷗為閑客

唐詩紀事王維過郢畫孟浩然像于刺史廳後名以浩然咸通中刺史鄭閒以賢者之名不可斥改曰——。

皮日休郢州——記北齊美蕭愨有芙蓉露下落楊柳
月中疎先生則有微雲淡河漢疎雨滴梧桐樂府美王
融日霽沙嶼明風動甘泉濁先生則有氣蒸雲夢澤波
撼岳陽城謝朓之詩句精者有露濕寒塘草月映清淮
流先生則有荷風送香氣竹露滴
清音此與古人爭勝于毫釐也

陽春亭

在通判廳

古跡宋

玉石

凡二石李昉守郡日得之於
榛莽間今移在白雪樓前

莫愁村

古樂府云莫
愁石城人在

今漢江之西而名傳于魯史禮樂志意其為宋人乎○
容齋二筆云梁武帝河中之歌曰河中之水向東流洛
陽女兒名莫愁莫愁十三能織綺十四採桑南陌頭十
五嫁為盧家婦此莫愁者洛陽人也近世周美成西河
一闋專詠金陵有莫愁艇子曾繫之語豈非誤指石頭
城為石城耶○鄭谷詩石城昔有莫愁鄉意愁魂散石
城荒江人依舊掉舟艤江岫還飛雙鴛鴦帆去帆來風
浩渺花開花落春悲涼烟濃草遠望不盡千古漢江闊

夕陽名宦許志雍

韓愈送許郢州志雍序愈嘗以書自通于于公頓累數百言其大要言先達之

士得人而託之則道德彰而名聞流後進之士得人而託之則事業顯而爵位通下有矜乎能上有矜乎位雖常相求而有不相遇于公不以其言為不可復書曰足下之言是也于公身居方伯之尊蓄不世出之才而能與卑鄙庸陋相應答如影響是非忠乎君而樂乎善以國家之務為己任者乎愈雖不敢私其大恩抑不可不謂之知已常矜而誦之情已至而事不從小人之所不為也故於使君之行道刺史之事以為于公贈凡天下之事成於自同而敗於自異為刺史者常私於其民不以實應乎府為觀察使者常急于其賦不以情信乎州繇是刺史不安其官觀察使不得其政財已竭而斂不休人已窮而賦愈急其不去為盜也亦幸矣誠使刺史不私於其民觀察使不急於其賦刺史曰吾州之民天下之民也庶不可以獨厚觀察使亦曰某州之民天下

之民也賦不可以獨急如是而政不均令不行者未之有也其前之言者于公既已信而行之矣今之言者其有不信乎縣之於州猶州之於府也有以事乎上有以臨乎下同則成異則敗者皆然也非使君之賢其孰能從之愈於使君非燕遊一朝之好也故贈行不以頌而以規

皇朝王安石

孔夷甫有送王介甫

赴郢州京

岳飛

為江西制置復郢州偽州荆超投崖而死

人物申包胥

郢人與伍

子胥

宋玉

郢人

名賢尹洙

謫居

呂大防

謫居

題詠郢客吟白雪

李白詩云遺響飛青天徒勞歌此曲舉世誰為傳日試為巴人唱和者乃數千吞聲何足道歎息空淒然

與政聲流

錢起送元使君詩

山川鬱重複

李百藥郢城懷古客心悲

暮序登墉瞰平陸林澤窅羊綿云云王公資設險名都距江隩方城次北門溟海窮南服長策挫吳豕雄圖競

周鹿萬乘重沮漳九鼎輕伊穀大蒐雲夢掩壯觀章華
築人世更盛衰吉凶良倚伏遽見鄰交斷仍覩賢臣逐
南風忽不競西師日侵蹙運圯屬驅除時屯恣敲扑莫
救夷陵火無復秦庭哭鄢郢遂丘墟風塵俄慘黷狐兔
竟遊踐霜露日沾沐釣渚曲池平神臺層宇覆陣雲埋
夏首窮陰慘荒谷悵矣舟壑遷悲哉年代倏雖異三春
望終傷縷切魚膾肥司馬君實送張伯常移居郢州詩
千里目

粒長
云云

四六

疏思金闕
行紱石城

土風朴陋
郡政清閒

但觀政理而訟平
可謂調高而和寡

政聲洋溢與漢水以俱流
歡誦揄揚皆郢人之相和

郡樓嘯詠不妨和白雪之歌
朝路論思行即侍紅雲之列

均州武當
鄖鄉

建置沿革

禹貢豫雍之域秦韓之交角亢氏東井與鬼之分野春秋為麋戰國屬韓及楚秦漢

屬南陽漢中二郡地魏屬南鄉郡晉屬順陽郡永嘉之亂僑置始平郡齊因之又置齊興郡梁為南始平

郡後魏改為武當郡梁置興州西魏改為豐州隋改為均州又為淅陽郡又為武當郡唐復置均州皇朝

陞為武當節度今領縣二治武當

事要郡名均陽

風俗俗好楚歌

晏類要云云

民多秦音

圖經

桑麻蔽山

陸愷宗海樓記云云衣食自足

公庭無事

同上民人朴野云云

風物秀

美

同上云云泉甘土肥

魚稻之鄉

同上擷芳珍而鱗蓋一一也

形勝東連

襄沔

均陽郡志序云云西徹梁洋

南通荆衡

同上云云北抵襄鄧

襄陽保障

郡守

題名 當襄鄧之衝通鑑唐僖宗紀均州云云 山川 西山一名寶蓋在鄖鄉縣西南

三里其山北 有崖號星牖 武當山一名大和斯山乃嵩高之參佐五

嶽之流輩。武當記云周迴四五百里中有一峯名曰參嶺清明之日然後見峯山有三十六巖。郭仲南雍

州記學道者常以百數羣學者心有隆替輒為百獸所逐有石門石室相傳尹嘉所棲之地山在南陽界而去

洛陽甚近。圖經引道書載真武開皇三年三月三日生生而神靈擔除妖孽救護羣品捨俗入道居武當山

四十三年功成飛昇遂鎮此方人名而至語以其故妖氣遂息因曰爾後每遇庚申甲子及三七日當下人間

斷滅不祥五龍 天柱山在武當山上 金鎖嶺在武當山

觀即其隱處 相傳國師鎖獼猴 法華巖在俞公巖西 俞公巖古記隋僧慧括往巖中誦

蓮花經有白衣老人自謂曰我東漢之子謫居此地限滿得還斯我所居願奉仁者。陳圖南題詩云萬事若

在手百年聊稱情他時南嶽去記得此巖名 漢水 在武當縣社四十里中有

均水 前漢地理志丹水 龍池 在武當山頂祈禱無不應者 鹽池 在武

南百里水氣所染著草木 樓亭宗海樓 陸愷記下臨清如霜雪工人呼為鹽花

太和樓 向太和峯為 紫雲亭 晁端夫記云南無窮 一州之壯觀 武當之疊嶂左瞰

漢川之 古跡濮王故宮 唐濮王泰堯妃閻氏捨宮地 巨浸 建延福寺今乾明寺是也 仙

李園 潘岳閒居賦房陵朱仲家有社栢樹 當南門有 縹李世所希有在千丈峯下

從樹腹中出群蛇隨入南山其聲如風雨 名宦皇朝

梁翰

太宗征蜀以翰為均州刺史鑿山開道商旅以濟

人物張士遜

均州人按士遜乃光

化人嘗為鄖鄉簿或者游官就居于此歟

名賢尹洙

諱監均州酒稅

范純粹

坐元祐黨謫均

州題詠二紀重来愧此身

張順之雍熙中植桐于蕭寺壬辰登科後告老留題于寺

云桐枝手植有桐孫云云三世衣冠聯貴仕十州軒冕接清塵耕桑雖喜多新隴耆艾堪嗟少故人蕭寺門前

題粉壁又書
丁巳對壬辰

四六

疏思天上
紆紱漢濱

郡臨漢水
地近洛陽

畫為均水之封疆
用作襄城之保障

民俗相安盡是桑麻之野
江流所溉亦為魚稻之鄉
土風秀美人或育於奇才
民俗朴淳郡亦稱於易治

山名佐岳乃仙聖之所居
水號朝宗亦臣民之所慕

房州

房陵
竹山

建置沿革

禹貢梁州之域楚地翼軫之分野鶉尾之次舜封丹朱于房古麋庸二國之地春秋

為房子國戰國屬楚秦屬漢中郡西漢因之東漢立房陵郡又置上庸郡魏合房陵上庸西城三郡為新城歷晉宋齊為新城上庸二郡梁置岐州理房陵改新城為光遷國後州為遷州隋為房陵郡唐改遷州又於竹山縣置房州皇朝雍熙陞為保康軍以劉繼元為節度使中興置金房開達四州安撫使房隸金今領縣二
治房陵

事要郡名房陵

防渚

圖經云其地即春秋之一也

風俗有蠻夷之

風

唐書韋景駿傳州窮陋云云

兼秦楚之俗

郡縣志房自戰國時更秦屬楚故其民云云

少從學之士

同上男子燒畬為田婦人則績麻為布以給衣食云云

無兵火之患

陳希夷撰修城記云歷五代亂離云云誠久安之地也

形勝東聯襄鄧

譙樓記云云西接金

商當南北風寒之衝據楚俗咽喉之會

三面際水

水經注云上庸郡云云

居萬山底

庚斯助房渚貢銀記龍馬渡江京右為北鄙屬郡凡六獨防渚云云

隍塹有法畫墁集修城記房陵

為州隘陋無遊適之地獨是城矗矗言言而門觀一一如邊壘皆一一度

其地四塞險固

華陽志秦始皇以云云徙呂不韋舍人萬家于房陵○又載蜀將蓋達云所在深險司馬公必不來吾無患矣

○漢周綰至喜館記房在畿右為僻郡兵火之後以險獲全繁盛甲於一路

有江漢川澤山

林之饒

地理志

有建鼓馬鬣之崔嵬

呂昌明登凝嵐門賦其險也云云其勝也

有睡嶽龍

山川房山

在房陵西南四十三里山四面有石室似房因名

景山

在房

陵西南二百里山海經荆州之首曰

南山

在房陵南三里○陳去非有詩石門泄風

無晝夜古木截道藏雲雷定山

吳曾謾錄此山有朱仲李園三十六所

筑山

在房陵縣又有筑水

昔劉備屯兵筑口是也

白馬山

元和志在竹山縣西南三十里山似石馬曹孟德歎金城千里即此

也○荆州記孟達為新城太守登白馬寨而嘆曰劉封申耽據金城千里而不能守豈丈夫哉

建鼓山

在房陵縣袁崧記登句將山見馬鬣建鼓屹然半天與馬鬣山相接

方城山

又名庸城山在竹山縣東

三十里山上平坦四面險固山南有城周十餘里春秋庸地楚使盧戢黎侵庸方城在上庸縣

女媧山

在竹山縣與燕子山相對

沮水

出景山入于漢江

堵水

在竹山縣即今漢江粉水

源出房陵源出庸嶺下南流
水宜淘粉浸水在王家山下
宜染纈紗入孔陽水有一潭

投石其中即有雷雨
亭館道院在郡
至喜館在房陵縣北二十里舊名悔來館
名

宦崔述唐人權載之集述為房州刺史惻隱所被四封喜靜
韋景駿李白贈詩曰惟君固房陵

誠節冠古今
皇朝陳希亮富弼薦知房州素無兵備希亮以牢城卒雜山河戶得百人日夜部

勒聲振盜不敢入境
許安世為倅元豐間有曰三花仙來自京師嘗簪三朶花游于市廛頗能詩

安世以告蘇子瞻有詩序因云郡守李侯在京師與之相善扣以前事則至房中說之及侯守房三花日記房

中之言否既見李侯七日而尸解
人物尹吉甫圖經世傳為房陵人今城西三里有廟房之人

尹姓為多豈其苗裔歟
黃香後漢時為吏書
名賢張舜民謫房州號浮休居士
題詠

售用無非竹

張舜民詩云云
衣裾盡是麻

未恨落房州

陳去非詩同
行得快友勝

處頻淹留垂除
了身世云云

南北兩巖花

前人紙坊山絕頂直下夕
陽斜却看來時路云云

十里平郊連郡堞

周洵詩云云一
溪清水溉民田

四六

疏榮宸扆
出守房陵

今千里地
在萬山間

矧房陵之小壘
介邊瑣之窮鄉

舟車少而行旅弗通
田畝狹而農夫告病

邑舍稀疎殆若三家之市
山蹊險阻甚于九折之途

民染蠻夷之俗有待撫摩
士稀文學之風正須教養

地惟險阻足為自固之圖
時苟繹騷獨號久安之地

光化軍

光化

建置沿革

禹貢豫州之域韓地角亢氐之分野春秋
穀伯國楚地陰國所遷秦漢為陰縣及鄴

縣屬南鄉郡後漢末魏武分南鄉郡晉武改南鄉為順陽郡梁立鄧城郡領陰鄧二縣後周廢為縣屬襄陽郡隋改陰曰陰城唐立鄧州領穀城郡城二縣尋廢為鎮隸襄陽之穀城縣皇朝陞陰城鎮為光化軍後為通化軍復為光化軍今領縣一治光化

事要郡名鄧城 南陽 風俗其俗朴陋 形勝蕭

何所封 漢書蕭何傳注云鄧屬南陽縣即沛之鄧縣也 山川固封山 在軍城西北九

里晉順陽王城西舊經 本名崇山唐天寶改 馬窟山 在鄧城東南六里雍州記漢時有馬百匹從此

窟出 窟名 漢水 出嶠冢是水有四名曰漾曰沔曰温水 在城南三里西

南流入 漢江 白河 在城東百 泌河 在城東南 樓閣霽景樓 李豸詩層樓壓

清漢初上便忘歸夕霽

名宦蕭何

封鄴侯今軍城內有廟

皇朝葉

康直

四明志為光化令人歌之曰人物張士遜光化人葉光化豐毅城清如水平如衡

苑退傳少孤負讀書武當山有道士見而異之曰子有道氣可隨我學仙公不欲道士曰不然亦位極人臣

題詠溪山動越吟

沈存中光化道中遇雨詩望遠初翻葉隨風已結陰雨蓬宜倦枕鄉夢入

寒衾蓑笠侵鄖俗云烟波千里去誰識魏牟心

四六

疏榮宸陛擢守邊城

粵由一鎮惟鄴城之小壘實京峴之要區

有社稷有民人豈輕郡寄

地近窮邊正欲風寒之護

非城池非兵甲當固人心

郡屯勁卒初何斗大之嫌

內而農畝買牛自此相安

外則邊疆牧馬至于不敢

昔雄地望乃蕭相國賜履之區
今盛人才亦張退傅垂弧之地

方輿勝覽卷三十三

欽定四庫全書

方輿勝覽卷三十四

宋 祝穆 撰

廣東路

廣州

南海 番禺 清遠 懷集
東莞 增城 新會 香山

建置沿革

禹貢揚州之域 在天文牽牛婺女則越之
分野兼得楚之交 春秋時百越之地 秦置

南海郡趙佗自立為南海王 漢因封之 武帝既定越
地以為南海蒼梧鬱林交阯九真日南珠崖儋耳郡

按南海即秦故郡也 屬交阯刺史 獻帝末孫權以步
騭為交州刺史 遷州于番禺 即今之州理也 孫休以

交州土壤太遠 迺徙交州理 龍編分交州置廣州 領
郡十理 番禺 晉因之 安帝時 盧循陷番禺 執廣州刺

史吳隱之自稱平南將軍為裕所敗宋齊皆為廣州
理番禺隋置總管府改廣州以為番州煬帝改為南
海郡唐置廣州總管府後以廣桂容邕安南五府皆
隸廣州以廣州為嶺南五府節度五管經畧使理所
曰清海軍經畧使又曰桂管經畧使曰容管經畧使
曰鎮南經畧使曰邕管經畧使名嶺南五管陞五管
為嶺南節度改為南海郡復為廣州自杜佑為嶺南
節度當兼五府經畧適執政者遺脫佑獨不兼唐末
分為東西道改嶺南節度使為東道節度黃巢攻破
廣州以士卒疾疫乃去掠湖湘賜東道為清海軍節
度皇朝平嶺南地歸版圖仍舊為清海軍節度領廣
南東路兵馬鈐轄帶本路經畧安撫使陞為帥府今
統郡十四領縣八
治南海番禺二縣

廣東轉運提舉廣南市舶置司

事要郡名南海 番禺 五羊 羊城 風俗質直尚

信

隋書地理志其

推髻箕踞

同上其人性並輕悍云云乃其舊風

胡賈雜

居

余安道知廣州謝表越臺之俗云云

俗雜五方

余安道羅漢院記番禺大府節制五嶺秦漢以

來號為都會云云

喜則人怒則獸

見後昌黎韓愈送鄭權序云云

下潦上霧

馬援

曰吾在浪泊西里聞虜未滅時云云

黃茅瘴

五代史成

毒氣薰蒸仰視飛鷲跼跼墮水中 與宰相徐彥若不平銜之及彥若出鎮南海路過江陵

相公保重彥若應聲答曰南海一愧可以避地 五代史劉

不死成和尚蓋譏汕曾為僧也汕甚愧 史劉 隱傳唐末天下已亂中朝士人以 唐人皆客嶺表 劉隱

嶺外最遠可以避地故多遊焉

方輿勝覽

二

世名臣謫死南方者往
往有子孫皆客嶺表

賈胡齋貨

許得已撰南海廟達
巽司空碑云皆禺控

引海外諸國賈胡歲具大船
齋奇貨涉巨浸以輸中國

鉅海敵其陽

見後昌黎韓
愈送竇平從

事序云云五嶺峙其北

蔣穎叔州學記云云大海環其東眾
水匯于前羣峯擁于後氣象雄偉五

嶺乃大庾始安臨
賀桂陽揭陽也

祝融之宅

見後韓愈南
海廟碑云云謂之嶺表類

廣南越分云云負山險阻

西漢南越傳云番禺
云云南北數千里

地控百粵

史通云云

境接羣蠻

許致撰魏公遺愛碑
禺去都萬里云云地居海涂

環水而國以百

數

柳宗元集云云則
統于押番使焉

以保南藩

史記南粵叙傳
集揚越云云

以殿南

服

見後韓愈南
海廟碑云云

選帥重於他鎮

同上

獨為大府

韓愈送
鄭尚書

序嶺之南其州七十其二十二隸嶺南節度府其四十
餘分四府府各置帥然獨嶺南節度為大府大府帥始
至四府必使其佐啟問起居謝守地不得即賀以為禮
歲時必遣賀問致水土物大府帥或道過其府必戎服
左握刀右屬弓矢帕首袴鞞迎于郊及既至大府帥先
入據館帥守屏若將趨入拜庭之為者大府與之為讓
至一至再乃敢改服以賓主見適位執爵皆興拜不許
乃止慶若小侯之事大國有大事咨而後行隸府之州
離府遠者至三千里懸隔山海使必數月而後能至蠻
夷悍輕易怨以變其南州皆岸大海多州島颿風一日
踔數千里漫瀾不見蹤跡控御失所依險阻結仇黨機
毒矢以待將吏撞搪呼號以相應和蜂屯蟻雜不可爬梳
好則人怒則獸故常薄其征入簡節而疎目時有所遺
漏不究切之長養以兒子至紆不可治乃草雜而禽獮
之盡根株痛斷乃止其海外雜國若耽浮羅流求毛人
夷亶之州林邑扶南真臘于陀利之屬東南際天地以

萬數或時候風潮朝貢蠻胡賈人舶交海中若嶺南帥得其人則一邊靜治不相寇盜賊殺無風魚之災水旱

癘毒之患外國之貨日至珠香象犀玳瑁奇物溢于中國不可勝用故選帥常重于他鎮非有文武威風知大

體可畏信者則戎服袴鞞迎于郊同上云南海一都會隋地

不幸往往有事理志自嶺以南尉佗霸迹南齊志云一一一土產鹽洪邁

二十餘郡云云記吾州南肘大海厥土珠香犀象玳瑁見韓愈送鄭

廣鹵牢盆取贏百他郡支杜甫詩憶昔南海山川番山在南禺山在番禺

使奔騰獻佗葬處番山在北堯山在南冠以青林郡國志云一一高四千

丈自番禺迄峽山在清遠縣東三十里崇山峻峙如擘交趾見之太華中通江流廣慶寺居一一之中

有殿甚古梁武帝時物也舊傳黃帝二庶子善音律採崑崙竹為黃鍾之管隱于此山祠在東廡詳見一一寺

注寶山

在東莞有銀場今廢

祝山

在增城東南二十里多娑娑羅竹圍三四尺至堅里人以為弓

崑山

在新會縣有道人卓菴於上其巔有井

菴山

在新會縣上有白龍池

羅浮山

在南

海本名蓬萊山一峯在海中與羅山合因名山有洞通

勾曲又有璇房瑤房七十二所

裴淵廣州記云羅浮二

山隱天唯石樓一路可登羅浮山記曰羅

靈洲山

在南

浮者蓋二山總名在增城博羅二縣之境越志肅連山西十二里有靈洲焉其山平原彌望郭景

純云南海之間有衣冠之氣者斯其地也唐志靈洲山

在鬱水中有寶陀院○蘇子瞻詩靈洲峯上寶陀寺白

髮東坡又到來前世法曇今我是依稀猶記妙高臺

抱旗山

在水

觀亭山

一名中宿峽在清遠縣東三十五里譚子和修海嶠志云二月五月

八月有潮上此峽逐浪返五羊一宿而至故曰中宿峽
又云晉時縣人使洛有一人寄書云吾家在觀亭山石

間懸藤即其處也還者如其言果有人出水與石鼓山
書同入泉中主禮畢遣出雖經潛泳水不沾濡

在東莞東南四百里南越志其土有亂
則鼓鳴昔盧循未寇隱然有聲循敗
大奚山 在東莞海中有

三十六嶼慶元間提舉徐安國捕鹽島民
彌聚為盜商榮用火箭射之賊遂大敗
白水山 在增城有

五距鳥有瀑
佛迹山 在佛迹寺上有大盤石中
布四時不竭
亂石山

在蒲澗後○杜審言詩乍將雲鳥極還
與星河次山聳忽如飛下臨如欲墜
九曜山 郭功父詩番禺

城西偏九石名一危
根插滄浪古魄鎮臨洮
文筆峯 在水南與
滴水水巖 在蒲澗上

峭壁屹立飛泉下瀉勢若建瓴○蘇子瞻
詩千章古木臨無地百尺飛濤瀉漏天
二巖 在蒲澗寺後

李羣玉詩五仙騎五羊何代降茲鄉澗有堯時韭山餘禹代糧接臺籠海色草樹羨天香吟嘯秋光裏浮溪興

甚標幟嶺

在峽山嶺上唐大歷間哥舒晃叛廣州遣將平之夢神人謂曰見幟即回及賊平回師果

見掛二幟於禺山石門截巨浸漢樓船將軍楊僕將精上乃二神之助云

卒破

即其地

南海縣南 沓潮劉禹錫集元和十年終風駕潮南海羨溢南人曰

一也率三更 鰐湖在東莞之東 黃木灣韓愈南海廟碑歲一有之 監舊有鰐魚 云在州東十八

里東溪在州東夾流皆刺 牛潭一名金鎖潭在清遠縣桐郡人踏青之地 東三十里秦時崑崙貢

犀牛帶金鎖 葛蒲澗在州東北二十里澗舊有葛蒲一走入潭中 十九節昔咸平中挑成甫採菖

于 側遇一丈夫曰此澗葛蒲昔安期生所餌可 以忘老今有寺 郭功父詩 中生九節流水遂

作菖蒲香安期服之已仙去謾脫雙鳥留秦皇○蘇子瞻詩云舊日菖蒲方士宅後來蒼葛祖師禪如今只有

花含笑笑道藥洲在西園之石洲○郭功父獨遊

秦皇欲學仙懷頴叔修撰驅車欲何適獨往觀

雙門控西渚石門九星聚中流九曜石其名何壯哉

貌儼可求銀王卷國去故物惟此留滄溟霸氣滅落日

孤烟浮空畦已無藥草蔓春柔柔常年一百五載酒傾

城遊炎炎二聖作德澤覃海陬大帥用文儒靜鎮十五

州請公握鴻筆刻蘇揮戈矛仍要水官月一笑挹浮丘

蓬萊自茲往荔支洲在南海東四十五里周迴五

穩踏金鰲頭十里劉氏創昌華苑于上圓沙

郡志昔有賴布衣改遷邑聖池在新會縣北二里山頂

基留識云沙頭圓出狀元有塘花果不種而生樵

夫採之貪泉在番禺縣西二十里石門北岸○郡國志

輒雷雨呂嘉拒漢積石江中為門因名石門○晉

吳隱之為廣州刺史酌泉賦詩古人云此水
一軟懷千金試使夷齊飲終當不易心
堂學廣平

堂

在州治以

宋環得名

十賢堂

在子城上滕脩吳隱之王繼宋環
李商隱盧奐李勉孔戣賈鈞蕭倣

八賢堂

在十賢堂東潘美向敏中余靖
魏瓘邵晔陳世卿陳從易張頴

浴日亭

在扶胥鎮南海

王廟之右小丘屹立亭冠其巔前瞰大海茫然無際○
蘇子瞻詩劍氣崢嶸夜插天瑞光明滅到黃灣坐看暘

谷浮金暈遙想錢塘湧雪山○楊廷秀詩南海水為四

海魁扶胥絕境信奇哉日從若水梢頭轉潮到占城國

裏回窠愛五更紅浪沸忽吹萬里紫霞樓臺海山樓在

開天公管領詩人眼銀漢星槎借一來樓臺海山樓在

南○陳去非詩百尺欄干橫海立一生襟抱石屏臺在

與山開岸邊天影隨潮入樓上春容帶雨來石屏臺在

畧廳西有池百餘步池中列石其狀若屏或云南漢時
玉液池也○郭功父詩——下玉池泉遶岸石屏青

齒齒輦置應須費萬金園囿森羅供燕寺觀資福寺

在東

莞一百六十步有羅漢閣蘇子瞻為之記蘇廣慶寺

在峽

山傳奇小說載廣德中有孫恪者遊洛中遇袁氏父遂納為室後十餘年因至峽山寺袁氏欣然改服理鬢詰

老僧乃持一碧玉環獻僧曰是此院舊物僧初不曉及齋罷有野猿數十悲嘯捫蘿而躍袁氏惻然俄命筆題

詩云無端變化幾湮沉到被恩情役此心不如逐伴歸山去長嘯一聲煙霧深詩畢遂裂衣化為老猿退嘯者躍

附而去老僧方悟曰乃貧道為沙門時所養者碧玉環則胡人所施繫于其頸者也○李翱詩傳者不足信見

景勝如聞一水遠赴海兩山高入雲魚龍睛自戲猿猱晚成羣醉酒斜陽下離心草自薰○許渾詩夜醉晨方

起孤吟恐失羣海鮪潮上見江鵲霧中聞未臘梅先實終冬草自薰樹隨山崦合泉到石稜分虎跡空林雨猿

聲絕頂雲蕭蕭異鄉髮明月共絲絳。薄暮汾西峽停
撓一訪僧鷺巢橫卧柳猿飲倒垂藤水曲崑干疊雲重
樹百層山風寒殿磬溪雨夜缸燈灘漲危槎沒泉衝恠
石崩中臺一襟淚歲杪別良朋。蘇子瞻赴惠州賦詩
云天開清遠峽地轉凝碧灣我行無遲速攝衣步孱顏
山僧本幽獨乞食况未還雲碓水自舂松門風為闕石
泉解娛客琴筑鳴空山佳人劔翁孫遊戲暫人間忽憶
嘯雲侶賦詩留玉環林深不可見霧雨埋煙鬢。楊廷
秀詩清遠望峽山脚無半里小舟行雲間五日翠未
已並馳兩青龍中夾一玉水送我到英州渠當自回轡
○誰開峽山寺正要避世喧深潭無來路斷崖有青天
療飢摘山果擊磬煩嶺猿人跡今擾擾只緣一漁船
五仙觀在南海寰宇記昔高固為楚相有五仙人騎五
色羊各持穀穗一莖六出以遺州人騰空而去
今呼為五羊其城周十里初尉佗築之後為步隲脩之
既而為黃巢所焚。郭功父廣州五仙謠番禺五仙人

騎羊各五色手持六拒穗翔翔遶城壁翩然去乘雲諸
羊化為石至今留空祠異像猶可識曾聞經猛火毫髮
無痕跡五仙寧復來三說頗難測只憂風雨至半夜祠
隨霹靂君不見羌廬劉越之洞天萬象森羅無一尺祠

墓南海廟

東廟在州東即南海王廟西廟去城十五里
蓋勅封靈憲助順顯衛妃行祠也○韓愈南

海廣利王廟碑海於天地間為物最鉅自三代聖王莫
不祀事考於傳記而南海神次最貴在北東西三神河
伯之上號為祝融天寶中天子以為古爵莫貴於公侯
故海岳之祀犧幣之數放而依之所以崇極於大神今
王亦爵也而禮海岳尚循公侯之事虛王儀而不用非
致崇極之意也由是冊尊南海神為廣利王祝號祭式
與次俱升因其故廟易而新之在今廣州治之東南海
道八十里扶胥之口黃木之灣常以立夏氣至命廣州
刺史行事祠下事訖驛聞而刺史常節度五嶺諸軍仍
觀察其郡邑於南方事無所不統地大以遠故常選用

重人既貴而富且不習海事又當祀時海常多大風將往皆憂戚既進觀顧怖悸故常以疾為辭而委事於其副其來已久故明宮齋廬上雨旁風無所蓋障牲酒瘠酸取具臨時水陸之品狼籍籩豆薦裸興俯不中儀式史滋不恭神不顧享盲風怪雨發作無節人蒙其害元和十二年始詔用前尚書右丞國子祭酒孔公為廣州刺史兼御史大夫以殿南服公正直方嚴中心樂易祇慎所職治人以明事神以誠內外單盡不為表襮至州之明年將夏祝冊自京師至吏以時告公乃齋被視冊誓羣有司曰冊有皇帝名乃上所自署其文曰嗣天子其謹遣某官某敬祭其恭且嚴如是敢有不承明日吾將宿廟下以供晨事明日吏以風雨白不聽於是州府文武吏士凡百數交謁更諫皆揖而退公遂陞舟風雨少止擢夫奏功雲陰解駁日光穿漏波伏不興省牲之夕載陽載陰將事之夜天地開除月星明概五鼓既作牽牛正中公乃盛服執笏以入即事文武賓屬俯首聽位

各執其職牲肥酒香搏爵淨潔降登有數神具醉飽海
之百靈祕怪恍惚畢出蜿蜿蜒蜒來享飲食闔廟旋艦
祥颺送颿旗轟旄飛揚晝鏜鼓嘲轟高管噉譟武
夫奮棹工師唱和穹龜長魚踴躍後先乾坤倪軒豁
呈露祀之之歲風災熄滅人厭魚鱗五穀胥熟明年祀
歸又廣廟宮而大之治其庭壇改作東西兩序齋庖之
房百用具脩明年其時公又固往不懈益虔歲仍大和
藿艾歌詠始公之至盡除他名之稅罷衣食於官之可
去者四方之使不以資交以身為帥燕賞有時賞與有
節公藏私蓄上下與足於是免屬州負逋之緡錢十有
八萬米三萬二千斛賦金之州耗金一歲八百困不能
償皆以巧之加西南守長之俸誅其尤無良不聽令者
由是皆自重慎法人士之落南不能歸者與流徙之胄
百二十八族用其才良而廩其無告者其女子可嫁者
與之錢財令無失時刑德並流方地數千里不識盜賊
山行海宿不擇處所事神治人其可謂備至矣咸願刻

廟石以著厥美而繫以詩曰南海之墟祝融之宅即
祀于旁帝命南伯史情不恭正自今公明用享錫佑我
家邦惟明天子惟慎厥使我公在官神人致喜海嶺之
陬既足既濡胡不均弘俾執事樞公行勿遲公無遽歸
匪我私公神人具依○楊廷秀詩羅浮山如萬石鐘一
股南走如渴龍雷奔雷邁遮不住直抵海濱無去處低
頭飲海吐絳霞舉頭仰戴祝融家珠宮玉室水精殿萬
水一日朝兩銜青山四圍作城郭海濤半浸青山脚客
來莫上浴日亭亭上見海君始驚青山缺處如玉珎潮
頭飛來打雙闕晴天無雲奔碎雪天下都無此奇絕大
海更在小海東西廟不如東廟雄南來若不到東廟西
京未睹建章宮海神喜我著綺語為我改容收霧雨乾
坤軒豁未能許小
趙佗墓在南海孫權使交趾求發其墓卒不能得得其子嬰齊墓
試日光穿漏句
得珠襦玉
壘之類
古跡越王臺在州北悟性寺○唐子西記云臺據杜山南臨小溪橫浦牂牁

之水輻輳於其下顧瞻則越中諸山不召而自至却立
延望則海外諸國蓋可髣髴於溟濛杳靄之間○陸龜

蒙和皮日休寄南海詩城連虛踞山圖麗路入龍編海
舶遙江客漁歌衝白苻野人貪語映紅蕉庭中必有君

遷樹莫向空臺望漢朝交州記云有君遷樹有朝漢臺
尉佗望海所築○許渾登尉佗樓劉項持央鹿未窮自

垂黃屋島夷中南來作尉
任器力北向稱臣陸賈功
達磨井 在悟性寺前梁達磨
指其地曰下有黃金

貪者力鑿泉
滌而金亡
甘泉池 在州東北五里番禺雜記云晉陸
史君以海水味鹹導以給民唐節

度廬全鑿山取泉
以廣之名曰甘泉
劉王花塢 乃劉氏華林園在
郡治六里名泮塘
廣州古

磚皇朝類苑魏侍郎璿知廣州忽子城一角顏得古磚
範四大字云委於鬼工蓋合而成魏也乃大築子城

未幾儂智高寇廣外城
一擊而摧獨子城堅完
名宦鍾離牧 意之孫仕吳
陶侃 遷南海太守

仕晉為廣州刺史在州無事朝暮運甕常惜分陰

吳隱之

隆安中為刺史嘗酌貪泉賦詩

滕脩

為刺史獲一巨蝦鬚長四丈四尺

王琨

齊書琨為廣州刺史南土沃實

史但經城門一過便得三十萬也琨無所取納表獻祿俸之半及罷任孝武知其清問還資多少琨曰臣買宅

百三十萬餘物

宋璟

邢州人開元初徙廣州刺史廣人稱之帝悅其對

堵賈至為璟作遺愛碑云駕五管之政教總三軍之鼓旗不怒而威不言而信雖有文身衣卉種落異俗而

化齊言語不鄭權韓愈送鄭公序前段見形勝注長慶通而心喻矣

尚書兼御史大夫往踐其任鄭公嘗以節鎮襄陽又帥滄景德隸歷河南尹華州刺史皆有功德可稱道入朝

為金吾將軍散騎常侍工部侍郎尚書家屬百人無數畝之宅僦屋以居可謂貴而能貧為仁者不富之效也

及是命朝廷莫不悅將行公卿大夫士苟能詩者咸相率為詩以美朝政以慰公南行之思韻必以來字者所

以祝公成政盧鈞擢嶺南節度不取商舶李勉拜嶺南

素稱廉潔及名歸至石門盡搜孔戣初明州歲貢淡菜

宗擢授廣陸鴻漸佐南海隴西公幕府自號竇平韓愈

從事序云踰甌閩而南皆百越之地於天文其次星紀其星牽牛連山隅其陰鉅海敵其陽是維島居卉服之

民風氣之殊著在古昔唐之有天下號令之所加無異於遠近民俗既遷風氣亦隨雪霜時降疫癘不興瀕海

之饒固加于初是以人之於南海者若東西州焉皇帝臨御天下二十有二年詔工部侍郎趙植為廣州刺史

盡救南海之民署從事扶風竇平平以文詞進於其行也其族人殿中侍御史牟合東都文遊之能文者二十

有八人賦詩以贈之於是昌黎韓愈嘉趙南海之能得其人壯從事之答於知我不憚行之遠也又樂貽周之愛其族叔父又能合文辭以寵榮之是為序

皇朝向敏中

知廣州至荆南市南藥以往以清德

聞馬亮

知廣州宜賊未就戮上面遣之委以綏靖至則輯睦

余靖

廣之番舶裝船舊昏取稅公奏

罷之以來遠商又請立法戒當任官吏不得市南藥及公壯歸不載廣南一物

方滋

容齋四筆秦氏當國

先忠宣公鄭亨仲胡明仲宗新仲皆在謫藉分置廣東方務德為經畧待之盡禮秦頗云云客曰方之為人唯

以周旋為志非獨遷客然也

汪應辰

通判廣州

人物區冊

韓愈送一一序前段見連州愈

待罪於斯且半歲矣有區生者誓言相好自南海拏舟而來升自賓階儀觀甚偉坐與之語文義卓然莊周云逃空虛者聞人足音跂然而喜矣况如斯人者豈易得哉入吾室聞詩書仁義之說欣然喜若有志於其間也

與之翳嘉林坐石磯投竿而漁陶然以樂若能遺外聲
利而不厭乎貧賤也歲之初吉歸覲其親酒壺既傾序

以識題詠南斗避文星杜甫送李大夫赴廣州詩斧鉞
下青冥樓船過洞庭北風隨爽

氣云云日月籠中鳥乾坤水上文章落上台
杜甫送翰
林張司馬

南海勒碑冠冕通南極云漢節梅花外
杜甫寄廣州
段功曹詩云

錦水邊蓋海旌幢出韓愈送鄭尚書赴海南詩番禺軍
府盛欲說暫停孟云云連天觀閣

閑衙時龍戶集同上云云上日馬人來風
靜鷄鷓去官庶蚌蛤迴貨通獅子國

同上云云樂奏越王臺事峇參送揚媛尉
南海詩縣樓重

事皆殊異無嫌屈大才毛毳家家織
王建送鄭權尚書詩戍
頭龍腦鋪闕口象牙堆

山雨江明五嶺春

云云紅椒
處處裁

椰葉瘴雲集

張籍送蠻客詩云
云挂枝鸞鳥聲

遠人來百越

劉真卿送徐大夫赴廣州詩云云元
老事三朝霧繞龍川暗山連象郡遙

海對羊城闊

高適
送柴

司戶判官之嶺外詩
云云山連象郡高

規外布星辰

文廣間南極浸高北
極浸低圓規度外星

辰至衆大如曜者數十皆不在星經
元微之和樂天詩波心湧樓閣云云

鳶跼路難登

高適
錢宋

判官之嶺外詩猿啼山不斷云
云海岸出交趾江城連始興

花鳥名皆別

杜荀鶴送
友人遊南

海詩云云寒
暄氣不均

巨舶通蕃國

張少愚廣州城樓詩朔風驚
瘴海霧雨破蠻荒云云孤雲

遠帝

海虛爭翳翠

許渾詩云云
溪邏關芙蓉

翠耀孔家禽

張祜送蘇
紹之歸嶺

南詩夜月江流澗春風嶺
路深珠繁揚氏果云云

蠻唱與黎歌

蘇子瞻將至廣
州詩云云餘香

猶香 石有羣星象 余安道題廣州西園詩云云謂九曜石也花多外國香皆海舶來嶺北所

無 嶺南封管送圖經 張籍送鄭尚書詩海北蠻夷來蹈舞云云此處莫言多瘴癘天邊看

取老 星徵入中臺作侍郎 韓愈贈馬總紅旗照海壓南荒云云 梅花蠻草連

天有 張籍送侯判官詩云云行處無家不滿船 經冬來往不踏雪 朱慶餘詩越嶺向南

風景暑人人傳說到羊城 云云盡在刺桐花上行 映日颿多寶舶來 劉禹錫詩連天浪靜

長鯨息 銅鼓臨軒舞海夷 劉禹錫詩象筵照日會詞客云云百粵酋豪稱故吏十州

風景助 外邑乳蕉花發訟庭前 皮日休送李明府五羊城在蜃樓邊墨綬垂腰

正少年山靜不應聞屈鳥草深從使翳貪泉蟹奴晴 上臨潮檻燕婢秋隨過海船一事與君消遠宦云云 侯

吏多來拾翠洲

陸龜蒙居人愛近沉珠浦云云

寶稅盡應輸紫貝

陸龜蒙詩

云云蠻童多學佩金鈎

退公祇傍蘇勞竹

皮日休送南海二同年詩云移宴多隨茉莉

花人瞻颯母識陰晴

余安道詩客聽潮鷄迷早夜云云

黑面羌人耳帶

環

丘濬詩碧晴蠻婢頭蒙布云云幾處樓臺皆枕水四周城郭半圍山

四

進職西清擁旄東廣

疏恩鳳闕入闡羊城

申命紫宸宣威玉帳

升班東觀宅牧南郊

眷番禺之古郡實嶺海之名藩

島夷載新於卉服滄海自息於鯨波

高牙指黃木之灣大幟開紅蓮之府

念嶺嶠之地偏去闕庭之天遠

宋廣平古之遺愛吳德之直哉惟清

舟車之會水陸之衝商旅所藏蕃獠所聚

自晉唐置守僅數於十賢而蕃漢錯居樂重乎九譯

威聲所暨掃清鯨海之波濤號令初傳改觀羊城之風物

萬里鯨波既息寇攘之警

我服迎郊選帥夙推于大府
千村犢佩各安耕耨之常
鋒車載道覲君即遷于近班

貪泉酌水已知隱之心

聞隱之貪泉之賦坐想清風
祥飈送颿佇應孔戣之召
續廣平德政之碑佇攄遠業

專方面十四城難犬相聞

地聯夷島象犀寶貨之川流
制水屯數萬竈貔貅肅立
境接閩山韋布衣冠之都會

瑠戈茸叢稱嶺外之雄藩

使扶胥黃木之灣民皆自樂
袞衣繡裳仰海濱之大老
則甘泉紫荷之橐王曰逸歸

肇慶府

高要
四會

建置沿革

古百粵之地分野星土與廣州同本秦南海郡地漢武置蒼梧郡高要以縣屬焉東

漢因之宋文帝創南海郡四會等縣置綏建郡梁立高要郡隋廢高要立端州煬帝罷端州為信安郡唐

立端州以州當入廣西之要口也為高要又以四會縣置南綏州改綏州為真州尋廢真州以四會縣隸

廣州改高要郡復為端州皇朝平嶺南地歸版圖以
徽宗潛邸陞興慶軍節度廣東運判燕瑛奏元係端
州今為潛邸欲望親灑宸翰賜以美名遂賜名
肇慶府仍為肇慶軍節度今領縣二治高要

事要郡名古端

端溪

高要

見上注

風俗土曠民情

郡國

志

不力於耕

同上云云惟運鹽鈔以為業

夷獠雜居

郡國志

一日之間

有四時

龔茂良詩晴雲當午僧揮扇曉雨生寒人著綿此是嶺南天氣候日中常有四時天形勝

北望頂湖

圖經云云萬仞峙其後

南瞻銅鼓

同上云云四峯列其前白羊岡居其左腐

柯山居

州當西江口

元和志

一廣西要口

土產端硯

柳公權曰端州

有溪曰端溪其硯有赤白黃色點者謂之鸚鵡眼或脉理黃者謂之金線紋。郡志云有青紋者謂之音條其

短者謂之眼筋下巖石亦有之色微斑者謂之火黯下巖無此又有曰赤裂曰黃霞曰鐵線曰白鑽圓而深如鑽眼曰壓矢其色班駁其舊坑則有龍巖汲綆黃圍三石汲綆全無眼其新坑則有後歷小細唐竇黃坑蚌坑鐵坑六處皆不及上三石。蘇易簡硯譜端溪硯水中者石色青小半者石色紫山頂石尤潤如豬肝色者佳若匠者識山之脉理鑿一窟自然有圓石青紫色者琢而為硯可直千金謂之子石硯。東軒筆錄魏泰曰端溪硯有三種曰巖山曰西坑曰後磨石石色深紫襯手而潤叩之清遠有青綠圓小鸚鵡眼乃巖石其次色赤呵之乃潤鸚鵡眼色紫紋慢而大此乃西坑石也其下青紫色向明側視有碎星光點如沙中雲母乾而少潤謂之後磨石西坑硯三當巖石之一後磨石三當西坑之一其品可知。李賀紫石硯歌端州石匠巧如神霞天磨刀割紫雲紗帷畫睡墨花春輕溫漂沫松麝薰。昔丁寶臣知端州以詩送綠石硯於介甫所謂玉堂新

樣者介甫以詩報之云玉堂新樣世爭傳况以蠻溪綵石鑄嗟我長來無異物愧君持贈有新篇久埋瘴霧看

猶濕一取春波洗更鮮還與故人袍色似論心於此亦同堅○蘇子瞻硯銘千夫挽纜百夫運斤篝火下緹以

出斯蠻布寰宇記有夷人織蕉竹翠羽韓翊送端州馮使君玉樹

羣兒爭翠羽金山川北山在城北峽山在城西奢山在

南九十里上有砂爛柯山在高要東三十六里峯頂常夷人語訛為奢有紫霞按衢州亦有爛柯山

蓋二郡名信安衢在吳為信安則去王質時為近端名信安乃始於隋不應載晉人事跡不可不辨此山產美

石為銅鼓山在南岸府石室山在城北六里南北有聳石如二門土人謂之

嵩臺繆瑜竹記又有七星巖。郭功父詩雙峽天開控江水水自牂柯來萬里端州正在雙峽間石室嵩臺壓

孤扶廬山 在四會縣東四十里上有池水相傳六祖嘗隱于此六祖姓廬故名 三足山 在四

會縣西百五十里 有人姓蘇仙者 下巖 在大江中又名北壁有龍潭硯窠佳 騰犴嶺 在高要縣

山有人犴即沐猴之類似龍子嶺 又有鳳頭岡淳熙丁酉邑宰蘇邦平縣基

得古碑乃鹿鳴燕士詩云龍嶺西江 在高要縣 四會水 東在古津

南湏江 西有建水北有龍江四水俱會故名 新江水 在高要南六里源出新州 端溪 在高要縣

堂榭相堂 在四會簿尉廳先是郭其姓者作尉丞相梁克家嘗館焉故名此 雲秀臺 在高

要西北八里祥符間五色雲現於臺峯之上郡守范雍建古跡陳霸先墓 在府治南五十里有

苟逕山有載碑 鵠奔亭 干寶搜神記漢九江何敞為交趾刺史行部至蒼梧高要縣暮

石龜其大數尺

宿——夜未半有女子從樓下呼曰明使君妾寃人也妾本廣信縣脩里人嫁為同縣施氏妻薄命夫死有雜繒百二十疋及婢名致富之旁縣賣繒日暮為亭長龔壽操刀刺脇下又刺致富立死合埋于樓下取財物而去故來訴告故乃掘尸以驗令吏捕壽拷問具伏初發尸時有雙鵲奔其亭故名。郭功父詩新江自南來西與端江匯屹然——**枕榔亭**李翱與監察御史韋君皆自東京來嶺南約偕行翱

居信安四十餘日比及西江韋君已前行矣上——見韋紀姓名且有念我之意李翱題**名宦李**

紳唐人貶端州司馬**皇朝鄭端義**真陽人為守**陳堯叟**詩話總

——知端州穢舟於廬陵阻風數日有胡僧謂公曰骨方神清身當極貴但虎目猿聲當有攀附然後有所立因贈詩云虎目猿聲形竄貴祇因攀附即**已拯**為守歲升高知君今向端州去頗助清風泛怒濤**貢**前

守所取輒數十倍以遺權貴公命郭祥正為人物李積

製者纔足貢數歲滿不持一硯歸

中寓居豫章良弼安國大性譚惟寅梁榜乙科讀書題

大異大理大東皆其後也

越井人南去賈至送陸協律云

西江瘴癘多

張說端

六詩南海風潮壯云云於焉須判手此別傷如何

四六

昔號信安

今稱高要土風醇厚

推高要之潛藩乃炎荒之名郡

地重潛藩亦是羊城之亞不持一硯足知包孝肅之清民歌政績即為鳳關之歸未擁雙旌已卜陳文忠之貴

方輿勝覽卷三十四

欽定四庫全書

史部

方輿勝覽卷

三十五至
四十

詳校官編修臣曹城

檢討臣德生覆勘

總校官知縣臣繆琪

校對官典簿臣郭祚熾

謄錄監生臣金國禮

欽定四庫全書

方輿勝覽卷三十五

宋 祝穆 撰

德慶府

端溪
瀧水

建置沿革

越地牛女之分野秦屬南海郡漢置蒼梧郡及端溪縣晉分蒼梧立晉康郡隋廢郡

以端溪縣屬端州煬帝時屬信安郡唐高祖置南康州又置康州太宗復置南康州已而去南字改晉康

郡復為康州皇朝為端州尋復舊以瀧州瀧水縣來屬以高宗潛邸改陞德慶府仍為永慶軍節度今領

縣二治
端溪

事要郡名晉康風俗夷獠相雜

寰宇記云云
康瀧一同

其俗食稻

與魚

隋書

形勝居西江上游

郡志

土產果下馬

虞衡志土產小駟以出德

慶之瀧水者為最高不踰三尺駿者有兩脊骨

山川端山

在端溪縣有樹冬榮子大如杯味似猪肉

藿山

在端溪山有草如藿

香山

一名利人山出五色石

瀧峽

張子壽詩霜清百丈山風落萬

重三洲巖

在端溪縣西江之三島也

錦石

在端溪陸賈使南越時設錦帳于此

西江

溪端溪

在縣南

亭榭壽康亭

在雙門之內

艤舟亭

在郡治東

祠墓

忠景廟

郭功父題趙康州石磬編後詩一賊鳴銅鼓孤城隕使星形骸糜矢石忠義貫丹青皎皎張巡

傳聖俞新新季子銘荆公吾詩愧涓滴何以助南溟

五龍廟

蕭注字巖夫新喻人少侍父之官康州過

悅城題五龍廟詩五龍兄弟古英名今日擎舟過悅城莫向草茅久盤屈早拖霖雨治蒼生孔道輔見其詩曰

未可量也登慶歷第為番禹令儂智高圍廣州注突圍
出募壯士二千人解圍與賊格鬪焚其舟數百斬首五

千温媪墓南越志昔有温氏媪端溪人常捕魚忽於水
側得一物如守官能入水捕魚媪後治魚誤

斷其尾遂去數年乃還媪曰龍子復來也後媪殞瘞于
江濱龍子常為大波縈浪轉沙以成墳土今在悅城鄉

之名宦皇朝趙師旦字叔潛楚州人倦游錄云儂賊破
邕州偶江漲遂乘桴泐流入番禹

時趙師旦知康州到任始一日賊既迫境諭官屬吏民
使避賊守城而死乃監兵洎吾之職也城陷趙與監兵

皆死先是一日趙方出其妻藏於山谷道上生一子棄
草中賊去凡三日復歸見之尚生人謂忠義之感康人

立祠馮拯以左正題詠與子避地西康州杜甫送長沙
李十一云云

洞庭相逢已交鴻鴈早隨陽李涉謫康州詩惟將直道
信蒼蒼可料無名抵憲章

陰騰却應先
有謂云云

四六

疏榮渙綉
來牧晉康

地居嶺嶠
俗雜蠻猺

土曠人稀
不富蚕桑之業
山環水繞頗為魚稻之鄉

居東廣之上游
為中興之潛邸

雖云僻郡
環井邑於山光水色之中
猶幸大江通商賈於蠻煙瘴雨之外

封州

封川
開建

建置沿革

古南越之地
星紀之次
秦為南海郡
漢置蒼梧郡
今州即漢蒼梧郡之廣信縣也
晉

屬蒼梧郡又屬晉康郡
宋文帝分置開建縣
齊因之
梁置梁信郡
燕置成州
陳改成州
為封州
煬帝時廢
以縣屬蒼梧郡
唐復立封州
改臨封郡
復為封州
國朝陞為望郡
紹興間併封州入德慶府
未幾復為封

州今領縣
二治封川

事要郡名臨封

封川風俗其民知義

臨封志云云蘇子瞻作司馬温

公神道碑云公薨封州父老相率致祭且作佛事公之至誠無所不感而封之民獨見稱於坡公亦足以見

一之民淳訟簡

同上

茅簷葺戶

郡國志其俗荒陋市肆鮮陶瓦而多云云

形

勝據三江口

臨封志一邕桂賀一誠控扼之地

山川東山

去城一里舊於山為

三舍學基

西山

在州西隔江下有寺

登高山

在州治後山上舊有花藥圃郡人九日遊此

忠

讜山

在開建北七十里舊經居人多忠

龍石山

出石膏

猿居山

在州北二十里多猿

猓麟山

在州東八十里視諸山最高

風溪

在州南三十里源出豐壽山入大江

西江

源出邕州經潯融象柳州入州界合桂江南越志漢武帝自巴蜀檄夜郎兵下牂牁江會番禺即此水

溪源出賀州馮乘縣合封口入大江龍吟水在金鏤村有莫狀元讀書堂山水清響人呼為龍吟

堂舍宅生堂郭功父題李封州詩鱗鴛瓦構新堂意在黔烏恩澤長峴首去思猶墮淚

名南遺愛有甘棠水光送月浮珍席山勢和雲插畫梁安得才如張相國為君重賦宅生章五友堂

在城西沈清臣有記取致爽樓在州宅之西亭臺吸江亭在

治之望雲臺在州北太守沈清臣有記名宦皇朝陳升之為守時稱循良後為

相孔延世嘉祐間為守遺愛在民有三子曰文仲武仲平仲後人榜其讀書之所曰桂堂曹覲

建安人脩古之子皇祐中以儂賊死節建州守臣魏砥奏賜諡忠肅○魏詩云轉戰譙門日再晡空拳猶自把

戈鉄身垂虎口方安坐命棄鴻毛更疾呼柱下果卿存大節袴間杵白得遺孤可騰三尺英雄氣不愧山西士

大夫。○方維詩云青膽雄於金斗大赤心堅比鐵山高。鄭夷甫。吳郡志郡人也嘉祐中監高郵稅遇

一術士曰年不過三十五調封州判官預知死日至期沐浴更衣公舍有面溪一亭夷甫至其間親督洒掃方

揮手指畫間屹然立化猶人物陳欽。漢書云封川人也作指畫之狀見墨客揮犀。

莫宣鄉。開建人唐大中名賢李甘。葛常之詩話載唐史問狀元及第。嘗論鄭注不可

相故有封州之謫杜牧之贈甘詩云太和八年訓注極魁虎吾君不省察二兇日威武喧喧皆傳言明晨相

登注和昂顧予云我死有處所明日詔書下謫斥南荒去題詠唯放日高衙。田開臨

秋冬三釀酒風景四時海上荔支莊。同上嶺南蕉子國花守官真吏隱云云。云云民有千年壽

家存十歲糧。荔支莊去城十里。

四六

光膺渙渥
榮滋臨封

地分千里
水合三江

燕寢凝香把西山之佳致
虎符奏寂歸北闕之清班

眷封川之小郡
乃嶺嶠之名區

宅生有賴請稽郭功父之名章
報政既優當踵陳秀公之盛事

英德府

真陽
滄光

建置沿革

禹貢揚州之域天文牽牛婺女之分野古
越地戰國屬楚秦為南海郡漢屬桂陽

郡吳晉屬始興郡宋屬廣興郡齊復屬始興郡梁置
衡州及陽山郡隋改衡州為涇州廢涇陽縣入曲江

尋廢涇州以含涇縣隸廣州唐置涇州五代時南偽
漢竊據嶺表於真陽縣置英州皇朝潘美克英雄二

州紹聖五年以潛藩陞英德府宣
和賜名真陽郡今領縣二治真陽

事要郡名真陽風俗頗同中夏

圖經婚嫁
禮儀云云

俗樂商販
同上

云云巨產之家得米則東下於廣州糶買地廣人稀上

鈔益以取贏貧則採山之奇石以貨焉

云云為農者擇沃土茅簷土床楊廷秀詩人人藤葉嚼

而耕磽地不復用力

只有春風不寒乞形勝地接南海圖經云云有土產英

隔溪吹度柚花香

石同上之山一名擅天下鄉評云峯巒山川滇山在

陽北四十里尉堯山在滄光北四十餘里寰宇記四面

佗為城於此瀑布傾瀉萬丈始興記一巡狩經

此一或謂此山窈然而高故名。米元章詩信美龜岡

此山高穹窿遠朝市暑木結蒼陰飛泉落晴翠

在郡東八里鳴弦峯在州南二里相傳虞舜南巡撫琴

蓋郡之印山於此。查許國詩木葉蕭蕭江水

清幅巾藜杖遠山行忽然行南巖在州南鳴弦峯之前

到山深處聽得鳴弦一兩聲石壁上有唐人元傑

方輿勝覽

五

所刻涵**通天巖**

在州西十五里與碧落洞相去二里有竅通天

真陽峽

在真陽東南十

五里崖

碧落洞

在州南十五里懸石如霓旌羽蓋狀洞中有蛻骨皆勾連因號為蛻仙臺南越

志有沈侍郎隱于

蘇子瞻詩槎牙亂峯合晃蕩絕壁橫

遙知紫翠間古來仙釋并陽崖射朝日高處連玉京陰

入窈窕別戶生虛明泉流下珠琲乳湍交縵纓我行畏

來治具

涵暉谷

在州南中有潛靈洞樓雲洞晞

牯牛石

在縣南十九里真陽峽中諺云過

溱水

一名始興江亦名真水避仁廟

嫌**羅溪**

在滄光西

桃溪

在滄光縣

桂溪

在滄光縣

光水

在滄光縣

得一一抄一灘寄書歸去報平安

本名滙水避樓榭煙雨樓在府治之東千巖萬壑羅列

廟諱改今名功父詩江路分韶廣城樓壓郡遠近為一郡登臨之勝寒翠亭在睇陽島之北

東妓歌星漢上客醉水雲中壽寺遇隱者石君汝礪話羅浮之勝至暮乃去紹聖元

年鳳凰驛郭功父詩晚泊一得名知謂何鳳凰不

天寒無瘴癘橋梁何公橋今名政和橋容齋三筆英州

虛市饒鷄鵝何智甫始疊石為橋橋方成而蘇子瞻還自海外智甫

求文以記蘇子瞻作詩云天壤之間水居其多人之往

來如鶴在河順水而行雲駛鳥疾惟水之利千里咫尺

亂流而涉過膝則止惟水之害咫尺千里汚彼濫觴蛙

跳儵游溢而懷山神禹所憂豈無一木支此大壞舞于

盤渦水拆雷解坐使此邦畫為兩州雞犬相聞胡越莫

救允毅何公甚勇于仁始作石梁其艱其勤將作復止
更此百難公心如鐵匪石則堅公以身先民以悅使老
壯負石如負其子疏為玉虹隱如金堤直欄橫檻百賈
所棲我來與公同載而出驪呼闡道抱其馬足我嘆而
言視此滔滔未見剛者孰為此橋願公千歲與橋壽考
持節復來以尉父老如朱仲卿食于桐鄉我作銘詩子
孫不忘

名宦侯著

唐朝為真陽令
題名在涵暉洞

皇朝王仲達

景德間為
守建涵暉

書院慶歷中建學始
移宣聖祠於州學

蘇軾

紹聖初御史論軾知英州道
貶惠州過英州憇小廳西今

名坡 **米芾**

作洽
光尉

唐介

為臺官廷疏宰相文彥博之失仁
廟怒責英州別駕仍命中官押赴

任朝中士夫以詩送行者衆○獨李師中待制一篇為
人傳詩云孤忠自許衆不與獨立敢言人所難去國一
身輕似葉高名千古重於山並游英俊顏何厚已死
姦諛骨尚寒天為吾皇扶社稷忍教夫子不生還人

物石汝礪

真陽人問學淹該撰易解易圖擬進于朝為荆公所抑有水車賦刻南山石壁

馮安

上

真陽人元祐間父子相繼登科

名賢孔平仲

坐黨籍英州安置

鄭俠

貶英州

劉

安世

紹聖初章子厚入相安世坐謫英州

洪皓

奉使北庭得歸秦檜嫉其功皓謂檜憶錫納否錫納

者北庭用事之人也檜深憾之出知饒州又謫英州

題詠萬室通釀

醑梅堯臣作英州別駕

唐子方送行詩英州五千里瘦馬行駉駉妻孥不同塗風浪過蛟窟越林多蔽天黃柑雜丹橘云云撫遠無禁

律醉去不論錢醒來弄琴瑟

萬壘青山一水間

李孝博次蔣穎叔韻維舟亭下號三灣云

云偏愛澄江照天碧飛來幾片白雲間

支與真陽幾石山

楊廷秀詩郡官不患無供給云

云

四六

維此東衡
介于南服

矧真陽之小壘
控東廣之上流

家乏百金之產
郡無一歲之儲

真陽山石誠齋夸供給之珍
仙風冉冉數千年碧落洞天
碧落洞天坡老紀神仙之勝
佳氣葱葱五百歲潛龍福地

韶州

曲江
仁化

翁源
乳源

樂昌

建置沿革

禹貢揚州之域星土分野與廣州同春秋
為百越地戰國皆楚地漢初趙佗有國地

屬南粵武帝平南粵而曲江以縣隸桂楊郡統於荆
州後漢因之置始興都尉三國屬吳晉以始興郡屬

廣州宋更郡名曰廣興齊復為始興陳霸先為始興
太守起兵討侯景陳於此置東衡州隋改為韶州唐

置番州又更名韶州改始興郡
皇朝為韶州領縣五治曲江

廣東提刑置司

事要郡名始興

韶陽

曲江

余靖韶州真水館記真水出大庾嶺與武水合

回曲而流故名曲江

風俗其民短力弱材

圖經云云不能勤作故

習樸而不雜

同上云云淳而不漓

拳勇善戰

通鑑何无忌拒盧循殷闡曰始興溪子云

云為農者不力於耕

云云而運販鹽鈔歲月可以致富

為士者鮮力於

學

云云而臺府奏公願指可以如意故其人優吏而不知儒

惟簡質之是安

云云而市井貿

易自日用飲食之外珍奇之貨不售焉並郡志

士多愿慤

朱元晦濂溪祠堂記云韶故名邦云云少

浮華可與進於道者蓋有張文獻余襄公之遺風

士之名聲抗衡上國

圖經如王鄧之

世科陸續謂王式子陶孫履鄧戡子堂孫弼亮也蕭氏之棣萼連輝蕭雄弟雅及維也

翁源氣候

欽定四庫全書

方輿勝覽

八

之異

同上翁源在萬山之閒氣候又異地峻山高嵐氣四合朔風初厲則黃蜂四集蔽塞窓牖土人謂之

黃蜂

形勝控扼五嶺

余安道修州衙記云云韶為交衝

咽喉交廣

同上云

脣齒

唐開北嶺

唐徐浩張文獻碑始與北嶺峭嶮絕大庾南谷坦然平易公乃獻狀詔委開

道曾不閱時行可方軌

嶺道九十里

余安道撰真水館記云云為馬上之役餘皆篤工楫人之

勞地高氣清

皇甫集朝陽樓記

韶郡最大

余安道望京樓記廣之旁郡一十五而韶

最越之北門

九朝通畧潘美長驅至韶州奏云此地越之北門也

在番禺北

余安道州

衙記韶

樂石奇恠

許申撰張曲江祠記嶺嶠之南舜遊之地云云而甲出曹溪甘爽而

泌湧八泉會而同

山水之名聞天下

韶石土產鍾乳
柳

文

與崔連州書——始
興為上次乃廣連
山川韶石 在州東北八十里郡國志斗勞水間有兩石相

峙高百仞廣五里相去一里大小畧均似雙關州取名焉此外又有三十六石各有名相傳舜登此石奏韶歌

隋開皇九年 蓮花山 在州東五里以形 芙蓉山 在州西取以名郡 得名州治對山 五里。

許渾芙蓉寺詩宋玉含悽越王山 在州北六里有廟太夢亦驚——響一猿聲

大峒山 余安道——序韶之景富 靈鷲山 山似天竺于山水而佛刹相望于野

名始興記嶺南佛寺此 浮山 在州東北五里躡地為最唐沈佺期有詩 一處百餘步地動 桂山

在州西北四十 靈池山 在翁源縣池中有石人或隱或里蓋一郡之望 見自號老翁人居此源皆享壽

考因名翁水 昌山 在樂昌士庶 帽子峯 州治 書堂巖 在源曰翁源 嬉遊之所

東十五里白芒渡相對巖洞劃錦石巖在仁化南十七里有三巖其徑

然泉清石潔張曲江讀書之所

鬱環直二千餘級夾紫微洞在州西南十餘里紹興間朱新仲自詞掖謫居曲江

道杉松高凌霄漢

遇父老指示始得石室在樂昌西五里舊經石高三千餘丈室外藤蘿交聯登之者攀

援而上有石牀石白仙經七十二湏水在城東六步源出大庾嶺南流

三百六十里入曲江合武水柳宗名勞水韶石在城中

元酬裴韶州詩湏水想澄灣是也

西二十步復出桂盧水在曲江縣與武水合處其險名曰新潼有太守周所廟即始開

陽監南流合真水

此潼者舟人放鷄散米瀧水在樂昌自臨武東南流入以祈福忌濕衣入廟云

六旬始下樂昌一險惡滄湖在樂昌東南十里

不可狀舡石相舂撞

曹溪在

江縣東南三十五里源出本縣界牛嶺下西流五十里
合大江真水南流下英州以土人曹叔良捨宅為寺因

名一雲水源在曲江縣有湯泉沸湧每至雪霜其上蒸
氣高數丈生物投之俄而熟矣。韓愈詩

韶州南去接宣溪臨水源在曲江縣其山有石室室前
盤石上羅列十銀瓶昔縣人

封驅之奴株蒙竊銀瓶行未數里為大蛇
所螫封驅驚悟尋奴則奴已死而瓶存井泉大涌泉

在曲江南渡真水十里余襄公作涌泉亭後朱新仲記
自有天地便有此泉振高僧之錫而蠟騷人之屐多矣

若據石臨清舉白卓錫泉在大庾嶺圖經云六祖大鑿
禪師自黃梅傳衣鉢之曹溪

盡醉則自我輩始五百大衆相逐至大庾嶺取五祖所傳衣鉢回大衆
止告渴者半祖師手拈錫杖點石眼寒泉遂湧清冷甘

美大衆樓臺韶陽樓許渾一
羅玉孟瑤瑟近星河簷前碧樹窮

方輿勝覽十一

秋密窓外青山薄暮多鷓鴣未知狂客舞鷓鴣先朝陽
讓美人歌使君不惜通宵醉刀筆初從馬伏波

樓

唐李守建皇

九成臺

在州宅。蘇子瞻——銘云
韶州太守狄咸新作——玉

局散吏為之銘曰自秦并天下滅禮樂韶之不作蓋千
二百二十有三年矣其器存其人亡則韶既已隱矣而
况人器兩亡而不傳雖然韶則亾矣而有不亡者存蓋
嘗與日月寒暑晦明風雨並行乎天地之間世無南郭
子綦則耳未嘗聞地籟也而况得聞其天籟使耳得聞
天籟則凡有形有聲皆吾羽旄干戚箎磬匏絃嘗試與
子登夫韶石之上舜峯之下望蒼梧之渺莽九疑之聯
綿覽觀江山之吐吞草木之俯仰鳥獸之鳴號衆族之
呼吸往來唱和非有度数而均節自成者非韶之大全
乎上方立極以安天下人和而氣應氣應而樂作則夫
所謂簫韶——來鳳凰而舞百
獸者既已粲然畢陳于前矣

逍遙臺

隋薛道衡刺史
創水東有遺址

張九齡陪王司馬登臺詩常聞薛公淚非直雍門琴竄
逐留遺迹悲涼見此心府中因暇裕江山幸招尋人事

已成古風

堂亭思古堂

在州宅守狄咸建
蘇子瞻名并書

清淑堂

在九
成臺

下圖經王介甫天聖間侍其
父令公守韶日讀書于此

政寶堂

有蘇黃石刻楊廷
秀跋云蘇黃皆落

南而嶺南無二先生帖大似魯人不識麟惟韶有之耿
光異氣上燭南斗下貫碧海矣又有米帖楊廷秀跋云

萬里學書最晚雖徧參諸方然袖手一瓣香五
十年未拈出今得此帖乃知李密未見秦王耳
盡善亭

在建封寺○蘇子瞻詩雙闕浮空照短亭至今猿鳥嘯
青楚君王自此西巡狩再使魚龍舞洞庭○蜀人文賦

楚人詞堯在崇山舜九疑聖主
若非真得道南來萬里亦何為
整冠亭 梁安世記云左
瞰真水右俯武

溪方山袞袞恁在目前○韓愈詩暫
欲係舡韶石下上賓虞舜
望韶亭 楊廷秀題
詩

新隆寺後看韶石三三兩兩略依稀金坑津頭看韶石
十五五不整齊一來望韶亭上看九韶八音堆一案
金鍾大鏞浮水涯玉瑟瑤琴倚天半堯時文物也麓踈
禮樂猶帶鴻荒餘茅茨殿上槌土鼓葦葉聲外無笙竽
黃能郎君走川嶽領取后夔搜禮樂嶧山桐樹夜半鳴
泗水石頭清晝躍山祇川后爭獻珍姚家制作初一新
帝思南嶽來時巡宮琛廟寶皆駿奔曲江清澈碧瓊軟
海山孤尖翠屏展天顏有喜后夔知一奏雲韶供亞飯
帝登九疑忘却歸不知班盡湘笛枝后夔一脛跛莫隨
坐委衆樂江之湄儀鳳舞獸埽無迹獨留一後守其側
至今喚作獅子石雨淋日炙爛不得洞庭張樂已莓苔
隄為獲磬亦塵埃不如九韶故無恙憂擊尚可起冬雷
何時九秋霜月裏來聽湘妃瑟聲美
韶亭 余安道記賢
曲中莫道不見人江上數峯是誰子
人君子樂夫
佳山水者蓋將寓閒曠之目託高遠之思滌蕩煩絀開
納和粹故遠則攀蘿拂雲以躋乎杳冥近則築土飭材

以寄乎觀望惟韶山去州治八十里自元精胚胎陽結陰流不知鑪錘者誰獨秀茲境在昔虞舜南狩蒼梧九韶之樂奏于石上山之得名起於是矣國家丕冒海隅擇材綏遠殿省丞潘君伯恭特膺詔選來守嶺陀鋤強扶弱有意於古下車暮年人用休息乃曰山為州鎮厥名尤著自秦開五嶺迄今千載憑軾之使泛舟之賓大麓之下往還如織不知觀矚之地以為山榮豈守之者詳近而略遠哉遂按郡諜而相之背山東渡五里而近得地曰靈溪即道左建亭而山之竒秀森然在目矣俾來以圖授之矩畫先是賜紫僧法崇者推誠導慕衆所欽信嘗於康衢構榭以壯州邦既勤基締將責髣廼太守曰吾以敦朴化人無事於侈可去華就實移其用於茲亭崇曰明使君之言非唯集事兼存為政之體繇是捨飾畫之浮費市榷梓之美材持畚築運斧斤者子來而樂成矣越再出魄而亭就則茲山具美織芥無隱屹者如闕闐者如庾平者如臺呀者如谷向者如闕

背者如逃人立鳥跋霞明霧暗碧玉千仞青螺萬疊殊
形詭制紛不可名驅鬼役物巧不能備信方外之絕區
也既而請名太守曰亭以山
寺觀南華寺
梁天監元

年有天竺

國僧智藥自西土來泛船至漢土尋流上至韶州曹溪
水口聞其香掬嘗其味曰此水上流有勝地尋之遂開
山立石寶林乃云此去一百七十年當有無上法寶在
此演法今六祖——是也○六祖姓盧名惠能新州
人得法於黃梅五祖忍大師傳其衣鉢唐萬歲通天初
則天皇后錫賚宣詔元和間賜塔曰靈照之塔柳宗元
為記其寺為嶺外禪林之冠○唐曹松詩西土文殊留
印跡大中皇帝舊參禪○蘇子瞻詩前身便是盧行者
○楊廷秀詩南斗東頭第一山白頭初得扣
光運寺
在
禪闍祖衣半似雲來薄金鎖纔開霧作團
西即始興內
廣果寺
宋之問詩影臨丹壑香臺隱翠
史王導故宅
霞巢飛銜象鳥砌蹋雨空花寶鐸

搖初霽金池映晚沙莫天慶觀祥符間初依終南山太

愁歸路遠門外有三車平宮玉皇殿樣式造其

勝妙出

諸州上祠廟虞帝廟

在州西北七里皇岡嶺有石刻張

相國祠

在郡東墓在武臨原唐子西云張相鐵胎韶人

相傳以為明皇悔時所鑄。郭功父詩常平致

主陳金鏡後世周濂溪祠在州學。朱文公記云秦漢

宮祠見鐵胎以來道不明於天下而士不

知所以為學言天者遺人而無用語人者不及天而無

本專下學者不知上達而滯於形器必上達者不務下

學而溺於空虛優於治己者或不足及人而隨世以就

功名者又未必自其本而推之也先生言聖學之有要

而下學者知勝私復禮之可以馴致於上達明天下之

有本而言治者知誠心端身可以舉而措之天下脉絡

分明而規

模宏遠矣

余襄公祠

在相國廟東偏

名宦王導

晉人為

為內史即**范雲**為內史郡多盜賊雲撫以恩德曲江有齊高祖

習五溪何悠悠且飲**皇朝許申**天僖初為太守裁官道修仁水不挹背邪流

感其**王益**天聖間為守初夷越無男女之別公德一切窮治未幾男女之行別於塗

間為提刑不憚瘴毒荒崖絕島人迹所不至皆緩視徐按以洗冤澤物為已任已病來知南康軍

楊萬里為憲臨汀有警勢連潮梅公即日召諸郡兵直抵循梅賊懼就擒○有詩云不是潢池赤白囊何緣杖屨

到潮陽官軍已掃狐兔**林光朝**自號文軒為人物鄧文穴歸路莫孤山水鄉

進始興人為本州刺史移州於水西蕭銑叛發張九齡兵攻樂昌城文進堅守累有戰功廟食樂昌

曲江人七歲知屬文擢進士調校書郎中初武惠妃謀陷太子遣官奴誘公為援公叱去之安祿山以范陽偏

校入奏事九齡謂裴光庭曰亂幽州者必此人及討
奚契丹師敗又奏請誅之帝不聽祿山犯關帝思其忠
遣使祭於韶州厚幣恤其家方明皇千
秋節眾獻服玩公奏金鑑錄以箴規之
皇朝余靖人為
集賢校理范仲淹以言事忤意貶
不敢言靖上疏論仲淹不當貶出知秦州
題詠薜荔

搖青氣

宋之問詩云云枕柳翳碧苔
南中雖可悅北思日悠哉

炎海韶州牧

杜甫送韋

員外牧韶州詩云云風流漢署即分符先令望同舍有
輝光白首多年疾秋天昨夜涼洞庭無過鴈書疏莫相
忘
看取北來魚
同上養拙江湖外朝廷記
江曲山如畫
憶踈雖無南過鴈云云

許渾送竇司直詩
云云貪程亦駐舟

行舟傍越岑

張曲江真陽詩云云窈
窕越溪深水闌先秋冷

山晴當
畫陰

曲江水滿花千樹

韓愈同張籍遊曲江寄白居易
易詩漠漠輕陰晚自開青春

白日映樓臺云云
有底忙時不肯來

曲江山水間來久

韓愈將至韶州先
寄張史君借圖經

詩云云恐不知名訪倍難願借
圖經將入界每逢佳處便開看

乘舫泛鷁下韶湍

唐胡
曾自

嶺下泛舟清遠峽詩云云絕景方知在嶺南
蒨荔雨餘山似染蒹葭煙盡水如藍日遊蕭帝
新松寺夜宿娉娥

桂影潭不為篋中書未
獻便來此地結茅庵

恠石巉巉上次寥

王介甫送崔
左藏之廣東

詩云云昔人於此奏簫韶水清但有嘉魚出風暖何曾
毒草搖今日淹留君按節當時嬉戲我垂髫因尋舊政

詢遺老為作
新詩變俚謠

四六

眷是始興
舊為南粵

雖曰炎州
實為樂土

惟炎海之遐陬
有曲江之名郡

山明水秀九成之韶樂可賓
人傑地靈千秋之鑑錄未泯
濂溪持節備殫問俗之勞
坡老作銘妙得間韶之意

張曲江千秋之錄寫作忠規
江濱執別悵九成韶石之音
余襄公四諫之名凜有生氣
嶺外重來賦萬里梅花之句

方輿勝覽卷三十五

欽定四庫全書

方輿勝覽卷三十六

宋 祝穆 撰

潮州

海陽 揭陽

潮陽

建置沿革

禹貢揚州之域牽牛之分野古閩越地秦屬南海郡秦末屬南越漢武屬南海郡今

州即漢南海之揭陽縣地晉成帝分立東官郡安帝

又分東官之義安郡及海陽縣梁置東揚州又改瀛

州陳廢為義安郡隋廢郡置潮州煬帝復為義安郡

唐復為潮州改潮陽郡復為潮州皇朝因之今領縣

三治

海陽

事要郡名潮陽

古瀛

鳳城

以鳳皇山得名

金城

以是州舊屬於金氏

鱷渚

以魚名

風俗士篤於文行

見韓廟碑

州人知書自文公始

圖經 聯名桂籍自太平興國始

同上

稻得再熟

寰宇記云云 蚕亦五收

夷獠遂生

皇甫持正韓文公神道碑洞一海 陶然一鱷魚稻蟹不暴天物

形勝大海

在其南

韓愈祭鰐魚文

閩南兩越之界

韓愈胡公墓碑

在廣府極東

韓愈

潮州謝表臣所領州云云界上去廣府雖云才二千里然來往動皆經月過海口下惡水濤瀧壯猛難計程期

颶風鱷魚患禍不測州南近界漲海連天毒霧瘴氣日夕發作臣少多病年才五十髮白齒落理不久長居瘴

癘之地蓋與魑魅鄰苟非陛下哀而憐之誰肯為臣言者

山川韓山

與州山相對

湖山

山對其麓

寺觀錯立

東山

在州東文公舊遊

蛇山

皇甫持正送簡師序適潮不願

一 鱷渚 鳳凰山 在海陽縣昔有爰居來集因名之山
萬里之險 海經南方有鱷巨人人面長唇黑身

有毛反踵見人笑亦笑笑則唇蔽 金城山 九域志山上
其面寰宇記有神名山都即此 有韓木韓愈

所植不知其名士人觀其華 獅子巖 在郡東
之疎密以知登第之多寡 雙旌石 州

山之 東湖 在韓山之後四面 西湖 縈繞於州之太平
二峯 回環荷花彌望 橋下徑湖以橋 鱣

溪 舊名惡溪產鱣魚其身黃四足脩尾其形如鼉而舉
止趨疾口森鋸齒往往害人鹿走崖岸之上羣鱣嗥

叫其下鹿必怖懼落崖亦物之相攝服也 按韓愈傳
潮之惡溪有鱣魚食民畜產且盡愈令其屬秦濟以一

羊一豕投溪水而祝之其畧曰鱣魚有知其聽刺史言
潮之州大海在其南今與鱣魚約盡三日其率醜類南

徙于海以避天子之命吏三日不能至五日五日不能
至七日七日不能是終不肯徙也刺史則選材扶吏民

操強弓毒矢以與鱈魚從事必盡殺乃止其無悔是夕
暴風震電起溪中數日水盡涸徙六十里自是潮無鱈
魚之患○周洪道云韓退之逐鱈事李翱行狀及樓榭
皇甫湜神道碑皆不載豈以鱈近恠故刪去乎

揭陽樓

韓愈建今之韓亭即其地

東齋

在揭陽縣治丞相梁克家嘗館於是梅花忽大開梁賦詩曰

九鼎燹調終有待百花羞澁敢言芳後魁天下不十年登宰輔

水簾亭

在州東

梅花院

在

廳取陳文惠

庭一竹青青之句祠廟韓文公廟

蘇子瞻作廟碑匹夫而為百世師一言而

為天下法是皆有所參天地之化闕盛衰之運其生也
有自來其逝也有所為故申呂自嶽降傅說為列星古
今所傳不可誣也孟子曰我善養吾浩然之氣是氣也
寓於尋常之中而塞乎天地之間卒然遇之則王公失
其貴晉楚失其富良平失其智賁育失其勇儀秦失其
辯是孰使之然哉其必有不依形而立不恃力而行不

待生而存不隨死而亡者矣故在天為星辰在地為河
嶽幽則為鬼神而明則復為人此理之常無足恠者自
東漢以來道喪文弊異端並起歷唐貞觀開元之盛輔
以房杜姚宋而不能救獨韓文公起布衣談笑而麾之
天下靡然從公復歸於正蓋三百年於此矣文起八代
之衰道濟天下之溺忠犯人主之怒而勇奪三軍之帥
豈非參天地闡盛衰浩然而獨存者乎蓋嘗論天人之
辯以謂人無所不至惟天不容偽智可以欺王公不可
以欺豚魚力可以得天下不可以得匹夫匹婦之心故
公之精誠能開衡山之雲而不能回憲宗之惑能馴鱷
魚之暴而不能弭皇甫鏞李逢吉之謗能信于南海之
民廟食百世而不能使其身一日安於朝廷之上蓋公
之所能者天也所不能者人也始潮之人未知學公命
趙德為之師自是潮人皆篤於文行延及齊民至於今
號稱易治信乎孔子之言君子學道則愛人小人學道
則易使也潮人之事公也飲食必祭水旱疾疫凡有求

必禱焉而廟在刺史公堂之後民以出入為艱前守欲請諸朝作新廟不果元祐五年朝散郎王君滌來守是邦凡所以養士治民者一以公為師民既悅服則出令曰願新公廟者聽民驩趨之卜地於州城之南七里期年而廟成或曰公去國萬里而謫于潮不能一歲而歸歿而有知其不眷戀于潮也審矣軾曰不然公之神在天下者如水之在地中無所往而不在也而潮人獨信之深思之至煮蒿悽愴若或見之譬如鑿井得泉而曰水專在是豈理也哉元祐十年詔封公昌黎伯故榜曰昌黎伯韓公之廟潮人請書其事于石因為作詩以遺之使歌以祀公其詞曰公昔騎龍白雲鄉手抉雲漢分天章天孫為織雲錦裳飄然乘風來帝旁下與濁世埽粃糠西遊咸池畧扶桑草木衣被昭回光追逐李杜參翺翔汙流籍湜走且僵滅沒倒影不能望作書詆佛譏君王要觀南海窺衡湘歷舜九疑吊英皇祝融先驅海若藏約束蛟鱷如驅羊鈞天無人帝悲傷謳吟下招遣

巫陽爨牲雞卜羞我觴於粲荔丹與蕉
黃公不少留我涕滂翩然被髮下大荒
古蹟韓木秀詩

云笑為先生一問天
前身後兩般看
名宦裳袞為刺
史所

歷有丞
韓愈
姓等相見具言朝廷治平天子神聖威武

慈仁子養億兆人庶無有親疎遠邇雖在萬里之外嶺
海之陬待之一如畿甸○韓湘公之姪孫落魄不羈嘗

賦詩云解造逡巡酒能開頃刻花公曰子安能奪造化
開花乎湘曰直易事耳取土聚之以盆覆其上須臾曰

花已發矣及啓視之花葉上有小金字乃詩一聯云雲
橫秦嶺家何在雪擁藍關馬不前公亦莫曉其意湘曰

事以乃驗後公以言佛骨事貶潮州途中俄有一人冒
雪而來乃湘也謂公曰頗憶前日花上之句乎此地即

藍關也公嘆異乃足成一聯曰一封朝奏九重天夕貶
潮陽路八千欲為聖明除弊事豈於衰朽計殘年云云

知汝遠來因有意好收吾骨瘴江邊
湘曰公非久即當回矣遂別而去

李德裕為司皇朝

陳堯佐

類苑陳希元以言事切直謫潮州通判時潮人

以文投惡溪鰐為遠徙今鰐魚食人則不可赦矣乃人
命吏督漁者網而得之因鳴鼓告其罪戮之于市

物趙德

韓文公請置鄉校牒云
一秀才排異端而宗孔氏
皇朝許申
為本路漕
詳見惠州

吳復古

字子野有道之士見知於待制李師中曰白雲
在天引領何及蘇子瞻名其室曰遠遊且為銘

名賢趙鼎

紹興間坐與秦檜不協安置潮州中丞詹大
方乞竄鼎遠方乃移吉陽軍時鼎子汾力請

侍行鼎不忍使之俱死瘴鄉乃手書付之曰紹聖初呂
微仲丞相謫嶺南惟一子曰景山愛之不令同行而景
山堅欲隨去將過嶺呂頤其子謂曰吾萬死何恤汝何
罪欲俱死瘴鄉耶我不若先死尤有後也呂遂縱飲而

死吾不令汝侍行亦微
仲意也微仲大防字也
題詠鱷魚大於舡
韓愈詩云惡

雷常洵洵云
颶風有時作
同上詩州南數十里有海
牙眼怖殺儂
無天地云云掀撒真差事

饜實如惠文
韓南食貽元十八詩云骨眼相負行蠓
不相營蛤即是蝦蟇同實浪異名章舉馬甲柱闕以怪
自呈其餘數十種莫不可歎驚我來禦鹽魅自宜味南

烹調以鹹與酸芼以椒與橙腥臊始發越咀吞面汗辭
惟蛇舊所識實憚口眼猥開籠聽其去鬱屈尚不平買

爾非我罪不屠豈非情不祈靈珠報幸
無嫌怨并聊書以記之又以告同行
海氣昏昏水拍

韓詩潮陽未到
魚鹽城郭民熙熙
陳希元送潮州李
天人先說云云
攷主簿詩云潮陽

山水東南
海邊鄒魯是潮陽
陳希元送王生及第歸潮
陽詩休嗟城邑佳天荒已

奇云云

方輿勝覽
五

得仙枝躍故鄉從此
方輿載人物云云

四六

演綸鰲禁
剖竹鳳城

城號鳳棲
溪傳鰐去

眷今古瀛
實望南粵

惟時嶺右
莫盛潮陽

惟潮陽之偏壘
封疆雖隸於炎方
雖境土有閩廣之異
實廣右之奧區
文物不殊於上國
而風俗無潮漳之分
千里秀民已習韓昌黎之教
土俗熙熙無福建廣南之異
累朝故老能言陳文惠之賢
人文郁郁自昌黎趙德而來
魚佩虎符香自凝於燕寢
文章政事曾逢嶺表之韓陳
鳳城龍首患何有於鰐魚
氣習風聲今號海邊之鄒魯

梅州

程鄉

建置沿革

禹貢揚州之域牽牛之分野古閩越地秦漢並屬南海郡晉屬東官郡晉末及宋並

屬義安郡梁屬東揚州又改屬瀛州隋置潮州而程鄉以縣屬焉煬帝屬義安郡唐復屬潮州偽漢劉氏

割潮之程鄉縣置敬州皇朝以敬州犯翼祖諱改名
梅州賜名義安郡中興以來廢而復置今領縣一治

程鄉

事要郡名義安

風俗土曠民情

圖經云云而業農者鮮悉藉汀贛僑寓者

耕其俗信巫尚鬼

同上云云捨

形勝在廣之極東

同上介

汀贛之兩間

同上云云

土產菱米

同上不知種之所自出植於旱山不假耒耜不事灌

溉速秋自熟
粒米粗糲

山川西陽山

在程鄉縣東南四十五里

明山

在州東三十里相傳

昔有叟黃姓者採茶於山值兩人坐石而奕遺叟
以拳石歸視之白金也叟後來亦絕粒不知所終

東巖

在州東
五里

西巖

在州西七里中有蘭若元祐間元城嘗登覽賦詩

南田石洞

在州西北

六十里郡之名士古姓者詩云仙客有靈千古在洞門無鑰四時開

石窟洞

距城八十里中有石鼓天

窻又有程江在州西北七十里蓋小溪因程故姓氏而名

百花洲

在城南介兩水之間古識

云百花洲尾齊州前此地出狀元

井泉魯井

魯姓者所鑿泉甘而清人若瘴癘一飲疾即止

亭

樓東亭

在東城上街遠山吞長江為一郡登覽之勝

望雲樓

在城上

名宦方漸

知梅州嘗謂梅人無殖產教以讀書

人物程啟

圖經云不知何代人或云隋人家于程江口性嗜書

恬榮進結廬江濱環堵蕭然人服其行義有不平不詣官府而質於啟

名賢皇朝劉安世

紹聖初章子厚入相公謫知南安軍又貶英州徙梅州先生謫南七年未嘗一日病問其故則曰絕慾斷酒以

是無恙後北歸十年壽幾八十張致遠題詠市小山城詩魯井有泉消毒瘴程江無屋祀高賢

寂

楊廷秀詩云云舡稀野渡忙
金暄梅藥日玉冷草根霜

只為梅花也合來

楊廷秀云

自彭田鋪至楊田道傍梅花十餘里有詩云一行誰
栽十里梅下臨溪水恰齊開此行便是無官事云云

循

州過了到梅州

楊廷秀題瘦牛嶺行盡天涯意未休云
云平生不慣乘肥馬老去須教過瘦牛

深入循梅瘴癘鄉

前人云云煙雲浮動日蒼涼連年
踏遍嶺南土賴有仙翁肘後方

四六

疏榮魏闕 眷是義安
出守程江 介于東廣

析隋唐之一縣雖號偏州
介汀贛之兩間頗存獷俗

昔由隋縣剖符竹以更新
今似誠齋為野梅而一到

中和宣布洗蠻煙瘴雨之餘
稚耄歡呼在春風和氣之內

惠州

歸善 博羅
海豐 河羅

建置沿革

古南粵之地星紀之次秦屬南海郡漢因
之今州即漢博羅縣之地也梁置梁化郡

隋置循州煬帝改龍川郡唐復置循州今惠州本循州之舊理也偽漢劉鋹移舊循州立禎州國朝避仁

廟諱改曰惠州今

領縣四治歸善

事要郡名惠陽

羅浮

龍川

浮陵

皮日休有浮陵集

鵝城

舊經相傳有古仙放木鵝流而至于此因建城故至今稱為一一鵝嶺

風俗吾州以東坡

重

圖經潮州以昌黎重州云

文物不下他州

郡學記古成之第進士張宋卿秘郎魁南宮皆

惠人為南越倡

盤游飯谷董羹

土人好造盤游飯取鮓崩膾炙皆埋之飯中又

好作谷董羹取凡飲食雜烹之陸道士詩投膠谷董羹鍋口掘窟盤游飯椀中蘇子瞻見之大喜

啗蜜

啣

蘇子瞻詩曰朝盤見蜜啣夜枕聞鶻鷓蓋土人取鼠未生毛開眼者飼以蜜以箸挾而啗之謂之蜜啣以

其唧唧作聲也。鷓鴣紅螺白餅。紅螺蜆屬也。冬間甚盛。者惡鳥土人惡之。土人多以配白酒。故名。

形勝軒轅所居

皮日休題羅浮云乃昔軒轅皇帝所居

南海之濱

郡志

山川

羅山

在博一西北三十里漢志浮一自會稽浮來博於故又名博一。羅浮記云蓬萊之一島堯

時洪水所漂浮海而來與一合而為一今山上猶有東方草木及翡翠五距越玉山雞。元和志山之峯四里三十有二南越志高三千六百丈周迴三百二十七里十五嶺三十二峯九百八十瀑泉。茅君內傳曰一浮一有洞周迴五里名曰朱明曜真天又曰勾曲洞天東通王屋北通岱西通峨眉南通一浮是也。一有洞房石室七十里所有巨竹皆十圍謂之籠葱竹有瀑布垂流三十仞有奇石勢如削成謂之石樓山有上湖岸周迴數里常應海潮又云山有鐵橋石柱人罕到者又有啞虎巡山。晉葛洪為岫嶼令遂將子姪至廣州刺史

鄧嶽留不聽去乃止。浮。○劉禹錫。浮。見。日。詩。
陰陽迭用事。乃俾夜作晨。唯。天。雞。鳴。扶。桑。色。昕。昕。赤。
波。千。萬。里。湧。出。黃。金。輪。○蘇。子。瞻。同。過。子。遊。一。浮。一。詩。
人。間。有。此。白。玉。京。羅。浮。見。日。雞。一。鳴。南。樓。未。必。齊。日。觀。
鬱。儀。自。欲。朝。朱。明。東。坡。之。師。抱。朴。老。真。契。久。已。交。前。生。
玉。堂。金。馬。久。流。落。寸。田。尺。宅。今。誰。耕。道。華。亦。嘗。啖。一。棗。
契。虛。正。欲。仇。三。彭。鐵。橋。石。柱。連。空。橫。杖。藜。欲。趁。飛。猿。輕。
雲。溪。夜。逢。瘖。虎。伏。斗。壇。畫。出。銅。龍。獰。小。兒。少。年。有。奇。志。
中。宵。起。坐。存。黃。庭。近。者。戲。作。凌。雲。賦。筆。勢。髣。髴。離。騷。經。
負。書。從。我。盍。歸。去。羣。仙。正。草。新。宮。銘。汝。應。奴。隸。蔡。少。霞。
我。亦。季。孟。山。玄。卿。還。須。略。報。白。水。山。在。羅。浮。東。麓。有。寺。
老。同。叔。羸。糧。萬。里。尋。初。平。及。懸。水。崖。有。巨。人。
跡。名。佛。迹。巖。○蘇。子。瞻。詩。何。人。守。蓬。萊。夜。半。失。左。股。浮。
山。如。鵬。蹲。忽。展。垂。天。羽。根。株。互。連。絡。崖。嶠。爭。吞。吐。神。功。
自。鑪。鞴。融。液。相。綴。補。至。今。餘。隙。罅。流。出。千。斛。乳。方。其。欲。化。
時。天。匠。麾。月。斧。帝。觴。分。餘。瀝。山。骨。醉。后。土。峯。巒。尚。開。闔。

澗谷猶呼舞海風吹未凝古佛來布武當時汪罔氏投
足不蓋拇青蓮雖不見千古落花雨雙溪匯九折萬馬

騰一鼓奔雷濺玉雪潭洞開水府潛鱗有饑蛟掉尾取
渴虎我來方醉從濯足聊戲侮回風卷飛電掠面過強

弩山靈莫惡劇微命安足賭北山吾欲老慎勿厭求取
溪流變春酒與我相賓主當連青竹筒下灌黃精圃

白鶴峯

在江之東舊稱惠陽為鶴嶺者以此山下有合江樓蘇子瞻所居

石埭山

在郡西七

里崖石壁立
有水簾洞

瑋瑋山

在羅浮山之東山下池中有

龍穴山

在河源縣相傳

有五色龍
乘雲出入

南海

在海豐縣多鮫鯢其大吞舟又

西江

源發

九龍山二百
里至郡城

釣潭

在歸善縣北抵西江有盤石小潭可

江郊葱朧雲水禱絢碍岸斗入回潭輪轉先生悅之布
席開燕初日下照潛鱗俯見意釣志魚樂此竿線優哉

游哉玩豐湖在郡西廣五十里亦名西湖楊廷秀過惠
物之變

羅浮東坡元是西湖龍塘在郡南有井泉湯泉在白水
長不到羅浮便不休

子瞻詩積水焚大槐畜油灾武庫驚燃丞相井疑浣將
軍布自憐耳目隘未測陰陽故鬱攸火山烈鬱沸

注豈惟渴獸駭坐使癡兒怖安能長魚鱉僅可燂狐兔
山中惟木客戶外時芒屨雖無傾城浴幸免亡國汚

卓錫泉

唐子西記云人之精神亦何所不至哉揮戈可
以退日搏膺可以隕霜悲泣可以頽城浩嘆可

以決石而況于得道者乎諸妄既除表裏皆空一真之
外無復餘物則其精神之外又何如哉吾遊羅浮至寶
積之寺飲泉而甘寺僧曰此一一也昔梁景泰禪師
始居此山其徒以無水難之師笑而不答已而庵成師
卓錫於地泉湧數尺自是得井山中迨今賴之知水者
以為甲於嶠南而自梁以來未有紀其事者夫師之為

人誠不可得而知然吾聞世間萬有皆心想所生而古
之學道未有不用定慧得者完則深定慧則流通以深
完流通之精神而致吾心想中物如父之使子君之使
臣有必得之勢其於此也特未足多也或曰前世之士
如李廣利耿恭之徒皆功名進取之人以成敗得喪為
心其精神之富不踰常人而喑鳴叱咤飛泉為之湧溢
與師無異此何理也曰二人者皆一時貴臣左氏所謂
用物精多至於神明方其由於絕域之中感激奮發於
萬死一生之時其用意至到與精進二體惟其出於一
切之誠而無定慧之素以故得之艱勤非若師之順指
目使既捷而且逸也嗟乎事之不立也我知之矣志意
耗於思慮聰明流於視聽則精神所感不行於父子兄
弟之間而尚何有於物苟能全吾之精神則雖山石之
堅水泉之柔雍容談笑之間堅者可使閤其柔者可使
激而躍也獨不得於人乎吾是樓閣合江樓在郡東昔
以知天下之善無不可立者

居焉。詩云海。上葱朧氣佳哉。二江合處朱樓開。蓬萊方丈應不遠。肯為蘇子浮江來。平湖閣在

湖泗洲寺前。枕湖倚山。最為勝遊之地。取鰲湖平以名。亭臺松風亭。在嘉祐寺。蘇子瞻有松

風亭下梅花詩云。春風嶺上淮南村。昔年梅花曾斷魂。豈知流落復相見。蠻風蜚雨愁黃昏。長條半落荔支浦。

卧樹獨秀枕。榔園豈惟幽。夜色直恐冷。艷排冬温。松風亭下荆棘裏。兩株玉蘂明朝暎。海南仙雲嫋墮砌。

月下縞衣來扣門。酒醒夢覺起繞樹。妙意有在。野吏亭終無言。先生獨飲勿嘆息。幸有落月窺清尊。

在州宅太守。平遠臺。在無量壽院前。為橋梁東新橋。在陳希元建。一郡遊覽之勝。郡

東。蘇子瞻詩。羣鯨貫鐵索。背負橫空霓。首搖翻雪江。尾挿崩雲溪。機牙任信縮。漲落隨高低。輓轆卷巨索。青

蛟挂長堤。犇舟免狂觸。脫筏防撞擠。一橋何足云。謹傳廣東西父老。有不識喜笑爭攀躋。魚龍亦驚逃雷電。生

馬蹄嗟此病涉久公私困留稽姦民食此險出沒如鳧
鷺似賣失舡壺如去登樓梯不知百年來幾人隕沙泥
豈知濤湖上安若堂與閨往來無晨夜醉病休扶携使
君領我言妙割無牛雞不云二子勞歎我捐腰犀我亦
壽使君一言聽扶藜常西新橋在郡豐湖上○蘇子瞻
當修未壞勿使後噬臍
斷霓浮梁陷積淖破版隨奔溪笑看遠岸沒坐覺孤城
低聊因三農隙稍進百步堤炎洲無堅植潦水輕推擠
千年誰在者鐵柱羅浮西獨有石鹽木白蟻不敢躋似
開銅駝峯如鑿鐵馬蹄岌岌類鞭石山川非會稽嗟我
从閣筆不書紙尾鷺蕭然無尺箠欲駕飛空梯百夫下
一杙極此百尺泥探囊賴故俛寶錢出金闥父老喜雲
集篔簹無空携三日飲不散殺盡西村雞似聞百歲前
海近湖有犀那知陵谷變挂瀆生茭藜後來勿忘今冬
涉水
過臍寺觀栖禪寺
在湖山蘇子瞻葬妾朝雲于此容齋
三筆云東坡既至惠州殘臘獨出至

樓——不逢一僧其詩云江邊有微行詰曲背城市平
湖春草合步至棲禪寺堂空不見人老穉掩門睡所營
在一食食已寧復事客行豈無得施
子淨掃地松風獨不靜送我作鼓吹
築室以居堂曰德有鄰齋曰思無邪。蘇子瞻詩云前
年家水東回首夕陽麗去年家水西濕面春雨細東西
兩無擇緣盡我輒逝今年復東徙舊館聊一憇已買一
一峯規作終老計長江在北户雪浪舞吾砌青山蒲墻
頭鬢鬢幾雲髻雖慙抱朴子金鼎陋蟬蛻猶嫌柳柳州
廟姐薦丹荔吾生本無待俯仰了此世念念自成劫塵
塵各有際下觀生
物息相吹等蚊蚋
冲虛觀有朱明洞朱真人朝斗壇蘇
銅魚古跡蘇公堤在豐湖左蘇子瞻出
一將軍樹陳文惠
公手植荔支郡人謂之——蘇子瞻詩丞相祠堂
下——大——旁炎雲駢火實瑞露酌天漿爛紫垂光熟

高紅掛遠揚分甘徧
鈴下也到黑衣郎

名宦 皇朝陳堯佐

閩州志載公以潮倅權惠守携

潮士許申偕行艤舟于岸新月初出纔甲夜有馬騎數人指呼甚嚴云丞相與漕使會宿於此其或踈虞豪髮

不赦公與申相對驚喜莫測其由明日行訪其地有姚娘廟焉及居相位遣人祭告申亦任本路轉運使一如

其陳偁

為守嘗奏罷豐湖魚租時子權隨侍即了翁也

名賢 趙師雄

龍城錄載隋開皇中

美人淡粧素服出迎時已昏黑殘雪未銷月色微明師

雄與語言極清麗芳香襲人因與之扣酒家門共飲少頃一綠衣童來笑歌戲舞一醉寢但覺風寒相襲父

之東方已白起視大梅花樹上有翠羽啾嘈相顧月落參橫但悵惘而已容齋隨筆參星見於昏若至曉則已

歿故蘇子瞻梅詩云耿耿獨與參橫昏也

皇朝 蘇軾

紹聖元年謫居○蘇子瞻在惠州有詩云為報

先生春睡美道人輕打五更鐘傳至京師章子厚笑曰
蘇子尚爾快活耶故有昌化之命○黃魯直詩東坡謫
嶺南時宰欲殺之飽喫惠州飯細和淵明詩淵明
千載人東坡百世士出處雖不同氣味仍相似 陳鵬

飛

字少南永嘉人以言事謫死惠州初居郡之舍人巷
面湖榜曰謫官湖○唐子西詩湖邊冷艷浸秋浦湖

上寒光轉夜烏太白持盃
問月夜子為題作謫官湖

唐庚

謫居沙子
步有故宅

題詠犀象滿

城邑

唐殷堯藩寄嶺南張明甫詩云瘴雨出
虹蜺蠻煙渡江急嘗聞島夷俗云云

散策枕榔

林

蘇子瞻惠州上元夜詩前年侍玉輦端門萬枝燈壁
月掛果擘珠星綴觚稜去年中山府老病亦宵興紅

旗穿夜市鐵馬響春冰今年江海上海上雲房寄山僧亦復
舉膏火松間見層層云云林疎月翳髻使君置酒罷簫

鼓轉松陵狂生來索酒一舉輒
數升浩歌出門去我亦歸蓍騰
鄰翁餽鼉蛇 蘇子瞻詩
何以侑一

孟云

蠻果粲蕉荔

蘇子瞻遊栖禪詩淒涼羅浮館

蠻菊

秋未花

蘇子瞻詩登山作重九云云

梅雨翛翛荔子然

蘇子瞻見顧秀才談惠州

風物之美詩云到處聚觀香案吏此邦宜着玉堂仙

雲漢漢桂花濕云云聞道黃柑常抵鵲不容朱橘更論

錢怡從神武來弘景便向羅浮見稚川

置酒椰葉桃榔間

蘇子瞻詩云云

窟嶺南萬戶皆春色

蘇子瞻詩云云會

蝦菜賤時皆丙

穴

唐子西詩云云茅柴美處即耶筒

四六

短茲偏壘鵝城斗大

視翠羽於梅梢難尋故迹

飽惠州之飯和淵明之詩

酌天漿於荔子聊和新詩

使渤海之民雷宣帝之化

淪泉誦卓錫之記貫以精神

次定司車全書

方輿勝覽

方輿勝覽卷三十六

欽定四庫全書

方輿勝覽卷三十七

宋 祝穆 撰

循州

龍川
長樂

興寧

建置沿革

古揚州之境其分野應粵地其次星紀其星牽牛春秋為百越地戰國屬楚秦置南

海郡龍川

以縣屬焉而趙佗為龍川令漢吳因之晉

割龍川縣地置興寧縣隸東官郡故又為南海東官

之地隋於歸善縣置循州煬帝改循州為龍川郡唐

復為循州總管府改海豐郡復為循州國朝平嶺南

地歸版圖宣和賜名博

羅郡今領縣三治龍川

事要郡名循陽

龍川

海豐

風俗為最饒富

林諮
大廳

記循戶四萬歲出租米僅十萬石於資奉易足余安道番禺都會中云云今租米僅三萬耳

記云地有魚鹽之饒士藉蘇陳為光榮循陽志蘇子由陳次升遷徙茲

多江海之樂故云云無大寒盛暑蘇子瞻默化堂序略云嶺南云云秋冬之

論諫循之談者云云形勝重山峻嶺循陽志東南抵惠東之際柯葉潛改

交勾萌盜發春夏北接梅潮西連汀巔數百尉佗故基郡志紹興十五年韓京遷於城東即一城之漢之名部余

道普安寺記龍川郡常屯甲兵林諮廳記梁唐晉漢周者云云越之沃野之間常為總管府甲兵

屯馬土產碧雞鸚鵡寰宇記羽則五距梗楠杞梓林諮大

之山林云云水精出長樂山川在城西霍山在龍

罔不畢具縣山間北五里川東

北八十里山有佛迹石逕石樓多海中草木。曹松詩
七千七百七十丈丈丈藤蘿入九天西土文殊曾印迹
大中皇帝舊參禪月將河漢巡巖轉僧與龍蛇
共穴眠直是畫工須閣筆更無名畫入流傳

博羅山

郡國志有山浮海而來

丞相嶺

在興寧即循廣二州
分水嶺也唐常袞除

潮州經此領人

泔溪

一名龍川裴氏廣州記龍川本博
羅之東鄉有龍穿地而出即穴泉

流因以

循江

在河源
縣界

蚌湖

在興寧東北四十里有
老蚌大數尺夜吐光

熬湖

在州北周回數里

龍潭

在熬山上有三潭
龍藏焉祈雨必應

堂閣默化堂

在郡治蘇子瞻在惠州時為
循守周彦質命名大書其榜

水心閣

在城廣福寺前熬
塘環繞前峯疊秀

為一郡登
臨勝處

名宦趙佗

西漢南粵王傳
佗為龍川令

李翱

知循州詳
見文集

李

義山

有謝循州刺史表

人物韋思明

唐詩紀事載李彙征客循州宿一一家年八十餘

與彙征談論至李涉詩酷稱善

羅孟郊

五代時自南昌遷守興寧官至翰林學士有茆屋數間號翰林

堂旁有泉曰羅公滌硯池

名賢皇朝陳次升

仙遊人為御史論章子厚蔡京下又乞留陳瓘

淵洗鄒浩

蘇轍

謫循州撰龍川志

巢谷

眉山人蘇子瞻謫黃州與谷同鄉因與之遊及

軾與弟轍在朝谷未嘗一見軾轍謫嶺海平生親舊無相聞者谷慨然自眉山徒步訪兩蘇谷見轍握手相泣

時已七十三矣將復見軾於海南自循至新遂病死

題詠地說炎蒸極

盧綸得循州趙司馬

書因寄回使詩瘴海寄雙魚中宵達我居兩行燈下淚一紙嶺南書云云人稱老病餘殷勤報賈傅莫故酒杯

踈昔我游龍川

蘇子由贈廖有象詩云不見平生人傾囊買破屋風雨庇病身頽然一道士

野鶴墮雞羣飛鳴問
巷中稍覺季子親
時叨送米續晨炊
蘇子瞻答周循州詩蔬飯藜牀

破袖衣掃除習氣不吟詩
前身自是盧行者後學過呼
韓退之未敢叩門求夜話
云云知君清俸難多輟且覓

黃精與藍輿觸熱道龍川
李伯記詩海嶠經行涉兩年云云只愁青草黃茅瘴敢意

江風佳
月天

四六
疏榮鰲禁郡濱嶺海惟尉佗之故基
作鎮龍川地接潮梅乃隋代之名部

濱江控海俗頗擅於魚鹽
粵從五季之間嘗為會府
跨漢歷隋權遂專於保鄣
及至先朝之盛亦號名藩
摩挲壁記尚尋李商隱之舊題
點檢圖經盡訪蘇穎濱之陳迹

連州
桂陽陽山

建置沿革

禹貢荊州之域翼軫之分野春秋時楚地秦為長沙郡之南境西漢有桂陽郡而桂

陽陽山以縣屬焉吳分桂陽置始興郡宋改始興為廣興郡齊復為始興郡梁武帝分置陽山郡隋廢郡置連州因黃連嶺以為名煬帝改熙平郡唐復置連州改連山郡復為連州國朝因之今領縣三治桂陽

事要郡名陽山

九域志日出先照故名

連山

劉禹錫云州以山得名

湟川

以水得名風俗風俗醇厚

朱葆石路記溪山鍾美云云視南方為佳郡

炎裔之涼

墟

劉禹錫記環峯密林激清儲陰海風歐温交戰不勝觸石轉柯化為涼颼城壓赭岡路高負陽土伯噓濕

抵堅而散蘘山逗谷化為鮮雲故罕嘔世之地大民衆

患亟有華皓之齒信荒服之善部而云也

劉勃鼓角樓記商賈阜通

劉若冲連山縣記人物富庶云云嘗有小梁州之號鳥

言夷面

韓愈送區冊序陽山天下之窮處也陸有邱陵之險虎豹之虞水有江流悍急橫波之石廉利

倅劍戟舟上下失勢破碎淪溺者往往有之縣郭無居民官無丞尉夾江荒茅篁竹之間小吏十餘家皆一一

租賦奉期約是以賓客從遊之士無所為而至陽山

天下之窮處

荒茅篁竹之間

並見

湟川八景

一雙溪春漲二

龍潭飛雨三楞伽曉月四靜福寒林五中峯遠眺

六秀巖滴翠七星峯晚靄八巖湖秋嶽南軒有賦形勝

北接九疑

歐陽經雲閔記云云南連衡嶽其清粹秀爽之氣鍾為勝槩賢傑繼出

介楚越

間

費必閱武亭記連云云號為會衝

地控荆湖

詹礪西園記熙平古郡云云

犬牙番

禹

劉禹錫廳壁記由壤制與番禹相犬牙觀民風與長沙同祖習

無土山濁水

武陽震學記地

接湖湘云云秀微之氣凜然浮空

山水為嶺南冠

歐陽實蔣氏三徑記云云

奇峯恠

石

游烈興造記荆粵之偏是惟連州土壤寒殖溪山岑峻云云森若圖繪

土產石鍾乳

劉禹

錫記山秀而宣靈液滲漉故一為天下甲歲貢三百銖

紵蕉

劉禹錫記原鮮而臚卉物柔澤故一

一為王服貴

林富桂檜

同上云云土宜陶旒故居室以壯聞石侔琅玕水孕金碧故境

物以

麗聞山川桂山

在桂陽縣

方山

在桂陽對九疑山

靜福山

在桂陽縣北五十里

梁廖冲詩為本郡主簿後於此山飛昇

陽巖山

在陽山縣西二十里

黃連嶺

在桂陽縣西南

百里

巾子嶺

州之

天際嶺

陶弼詩南來未見此高峯下際滄溟上際空辛苦限蠻成底

事坐看嵩華作三公

同冠峽

韓文次一一詩今日是何朝天晴物色饒落英千尺墮遊絲百尺飄泄

乳交巖脉懸流揭浪標無
心思嶺北猿鳥莫相撩

貞女峽

在桂陽縣南十五里
郡國志有石臨水狀

若婦人云秦時女子採螺於風雨中忽化為石○韓愈
詩云江盤峽束看湍豪雷風戰鬪魚龍逃懸流轟轟射

水府一瀉百里翻雲濤漂舡擺
石萬瓦裂咫尺性命輕鴻毛

陽山關

史記云尉佗移
檄一一曰盜

兵且至急絕道聚兵自守今縣
北當騎田嶺路秦於此立關

湟谿關

在陽山縣劉勃
鼓角樓記連雖

介於楚越之間僻在一隅秦於此置
漢武誅建德兵出桂陽下湟水實此地也

湟水

在桂
陽縣

即漢伏波將軍路
博討南越之所

桂水

源出桂山之
陽東入于湘

五溪

在桂陽西
合為一江龍

宮難

韓愈
有詩

海陽湖

在桂陽東北二里唐大歷間元結到
此創湖通小舟遊泛劉禹錫賦

井泉潮泉

在桂陽縣南山泉每二月已後至初
秋每日丑時水湧流至申時住八月已

後至初春從申時湧流至丑時住

亭榭海陽亭

呂溫荅崔連州詩云吏中習隱好躋攀

不擾疲人便自閑聞說殷勤海陽事令人轉憶舜祠山

宴喜亭

在州城○韓愈記太原王弘中在連

州與學佛之人景常元慧者游異日從二人者行於其居之後荒邱之間上高而望得異處焉斬茅而嘉樹列發石而清泉激輦糞壤焚榴翳却立而視之出者突然成邱陷者呀然成谷窪者為池而缺者為洞若有鬼神異物陰來相之自是弘中與二人者晨往而夕忘歸焉乃立屋以禦風而寒暑既成愈請名之其邱曰堯德之邱蔽於古而顯於今有侯時之道也其石谷曰謙受之谷瀑曰振鷺之瀑谷言德瀑言容也其土谷曰黃金之谷瀑曰秩秩之瀑谷言容瀑言德也洞曰寒居之洞志其入時也池曰君子之池虛以鍾其美盈以出其惡也泉之源曰天澤之泉出高而施下也合而言之以屋曰一一之一取詩所謂魯侯宴喜者頌也於是州民之間

者相與觀焉曰吾州之山水名天下然而無與燕喜者
比經營於其側者相接也而莫直其地凡天作而地藏
之以遺其人乎弘中自吏部貶秩而來次其道途所經
自藍田山入商洛涉浙湍臨漢水升峴首而望方城出
荆門下岷江過洞庭上湘水行衡山之下繇柳踰嶺猿
狖所家魚龍所宮極幽遐瓌詭之觀宜其於山水飢聞
而厭見也今其意乃不足傳曰智者樂水仁者樂山弘
中之德與其所好可謂叶矣智以謀之仁以居之吾知
其去是而羽儀於天朝也不遠矣遂刻石以記○李貺
後記余自幼伏覽外祖父昌黎文公——記則知連
州山水之殊亭之稱因記為天下所嘉連為郡既遠且
秀亦因亭而高時談山水可娛者較數連矣中州人既
以連遐遠不可得與遊皆依記以圖為館宇飾味山水
者莫不目登心到焉如此則亭豈可荒記豈可仆乎三
年冬余侍行承紐于連水陸南馳幽無所攄志無所用
乃縱業于山水以資養志况又外祖所記亭在是耶昔

聞今見必矣踵于鄂則訪焉者老曰無矣吁昔奚寵遇而讚詠之如彼今遭何人廢棄之如此豈亭之屯耶竊嘆數月得刺史武公至嘆之尤甚且曰不修則過及余矣遽揮徒而窮尋之冒翳履淖抵巖擘蔓得餘趾焉級塼缺擲棟榱榘垣瓦寸折片碎翁汚其甚石記斷僵莓昧其字公整而修之徵記本於余家易石而琢之不旬就矣於舊不移不損煥而為新命余記其迹余辭小子豈敢措筆以並前記公曰不與記實此則又毀後人知子至而不顧子過矣余何

十詠亭

劉禹錫序元次山作海陽湖後人作亭榭標之

曰一一曰支隱一切雲亭雲英潭玄覽亭裴溪飛練瀑雙溪月窟象池梵絲瀑即十詠也

名宦劉禹

錫唐永正元年自屯田郎出為連州刺史又以尚書郎得謫刺連山禹錫云重領連山郡印綬居五年不得

調滯念歛起因作問大鈞賦。韓愈作柳宗元墓誌云中山劉夢得亦在謫中當詣播州子厚泣曰播州非人

所居而夢得親在堂吾不忍夢得之窮無辭以白其大人且萬無子母俱徃理請於朝將拜疏願以柳易播雖重得罪死不恨遇有以夢得事白上者夢得於是改刺連州嗚呼士窮乃見節義今夫平居里巷相慕悅酒食遊戲相征逐詡詡強笑語以相取下握手出肺肝相示指天日涕泣誓生死不相背負真若可信一旦臨小利害僅如毛髮比反眼若不相識落陷穿不一引手救反擠之又下石焉者皆是也此宜禽獸所不忍為而其人自視以為得計聞子韓愈自監察御史出為陽山令有厚之風亦少媿矣

韓愈

自監察御史出為陽山令有厚之風亦少媿矣

其子**王駿**

唐肇武德迄光化已未凡二百八十二年作太守者九十一人惟王駿位至將相

皇朝

李若谷

自開寶三年至熙寧戊申凡九十九年假守者四十五人惟李若谷嘗參大政

名賢張

浚

紹興十六年以排講和連州居住

題詠

窮冬或搖扇

韓愈詩遠地觸塗異吏民

似猿猴山獐知愈狠辭舌上嘲啁白日屋簷下雙鳥聞
鴝鷓有蛇類兩頭有蟲羣飛游云云盛夏或重裘颯起

最可畏旬毒霧怕熏晝韓詩投荒誠職分領邑幸寬赦
湖波翻日車嶺石圻天罅云云

炎風每何處好畬田劉夢得詩云云團團縵山腹鑽龜
得兩卦上山燒卧木下種暖灰中

乘陽圻牙葉蒼蒼一忽有飛詔從天來韓和張十一詩
陽山鳥路出臨

武驛馬拒地驅頻躓踐唯劉禹錫詩刺
蛇茹蠱不擇死云云有青山畫不如中若問連州

事云邊鴻不到水南流唐劉禹錫詩云謫在
三湘最遠州云云連州萬里

無親戚盧肇詩云云舊
識唯應有荔支外邑出宰山水縣韓詩云云讀
書松竹林蕭

條捐末事邂逅得初心哀狄醒俗耳清泉潔塵襟詩成
有共賦酒熟無孤斟青竹時默釣白雲日幽尋南方本

多毒北客恒懼侵謫甘自守滯留
愧難任投章類縞帶佇益逾兼金

四六

有華銀嶺
遠畀銅符

疏恩北闕
宅牧南郊

地接中州若無瘴癘
舶通蠻徼素號劇繁

陽山篔簹竹之地不圖見於是人
曲江櫻筍之天儻共談於今夕

皂蓋朱轡聊訪湟川八景
清香畫戟細和湖亭十詩

昌黎宰縣而賦詩頗嗟毒霧
夢得為州而作記乃謂涼墟

失計茲來悔長安日邊之遠
相逢一笑說陽山天下之窮

南雄州

保昌
始興

建置沿革

禹貢揚州之域越地牽牛婺女之分野春
秋為百越地戰國屬楚秦屬南海郡漢平

南粵而曲江以縣隸桂陽郡統於荊州三國屬吳孫
皓分桂陽為始興郡治曲江而始興以縣屬焉宋屬

廣興郡齊復屬始興梁陳因之隋廢始興郡屬廣州
唐初屬韶州後分其地置須昌縣五代劉氏割據割

韶之滇昌始興二縣置雄州國朝潘美征嶺南克英
雄二州自此復歸版圖以河北有雄州故加南字宣

和賜名保昌郡今
領縣二治保昌

事要郡名凌江

詳見名宦
凌皓注

保昌

風俗俗雜夷夏

倅廳
題名

記地當衝
要云云

無珍異之產

洪勳修學記地雖褊小
云云以來四方之民

有膏沃

之田

同上而土性温厚云
云以為家給之具

擅八行之殊選

洪勳修學記
大觀元年天

子親製孝弟睦嫻任恤忠和八行之選每路以三人為
率廣十五郡無應選者惟南雄得譚煥歐陽班許孜三

人以其行聞奏以八行
一路殊選而南雄擅之
操翰墨取青紫者相屬

同上本
朝以來

一一以一一形勝兩路喉襟

倅廳題名記南雄古郡
一一之一一由東度嶺

而南由南度嶺而東足跡所
接舟車所會其地甚重焉
襟會百粵同上**控帶羣蠻**修城

記州獨以雄名蓋以其云云
山川巾山在州北州之主山**青嶂**

山在城東南五十里有神仙隱几一鍋似玉**桂山**在始

木叢發人多**丹鳳山**在始興西北天監**天柱峯**在始興

以為藥故名**丹鳳山**中有鳳翔此山**玲瓏巖**在

里峭秀竒拔無支峯贅阜屹然撐天梁天監**揚歷巖**距城西北二十里

興縣南石峯平地拔立有石**揚歷巖**山巔方廣百餘丈

飛泉瀉空有龍**仙女巖**在州東北闕天封寺杉檜鬱翳

祠祈禱輒應**仙女巖**水石潺湲中有二仙像謂秦時

二女子於此**梅嶺**在始興即大庾嶺一名塞**羅漢洞**在

得道飛仙**梅嶺**嶺在五嶺東詳見南安軍**羅漢洞**州

東天漢中有一正陽峽張九齡詩行舟傍越吟窈窕越

重林間五色對石聳千尋在雲封寺○章希言

此物生遐遠誰知造化心詩石上魯經轉鉢孟

石邊南北路崎嶇行人不見在始興縣東三十五

空嗟嘆還識西來意也無里水出贛州遇月朔

即漲晦修仁水在城南二十里齊范雲

即減為守至此嘗酌水賦詩井泉龍井在州

傍寺中深百餘尺舊傳通海眼時昔太鑿禪師

有龍躍蘇子瞻張順之皆有詩得法南歸經

庾嶺有卓錫遺跡後人從而屋在州道院

之遂為一方名藍詳見南安軍堂院景卹堂宅

李俠修黃樓亭城樓齊祖之詩漢初開郡出南夷萬壑

匪躬記千巖足嶮巖天上斗牛應共域人

間江嶺在庾嶺余安道詩嶺嶠古來

自分歧通越亭稱絕徼梯航從此識通津古跡鼻天子

墓

在始興縣不知何代相傳云昔有人掘之銅人
數十擁笏列侍俄聞擊鼓大呼震動山谷遂返

張九

齡書堂

在始興縣南山幽水秀花木
長春几案庭戶皆石琢就

名宦楊僕

漢人為樓船將

軍出豫章下
橫浦即此

皇朝章得象

為守後入
相封郇公

凌皓

知保昌興水
利開導江水

農人感德
號曰凌江

蕭渤

為守預築城
以禦儂賊

人物張九齡

祖居始興縣
今墳墓宅基

皆在焉本傳謂韶州曲江人蓋雄州未建之前均隸曲
江既又析曲江為雄州則九齡乃雄州始興縣人也今

子孫盡
在南雄

皇朝鄧戒

始興縣人與弟
聞聯名登第

顧希甫

保昌人與子
袞相繼登科

李邵

保昌人與子
琰俱登第

名賢吳元美

任福建帥幹坐作賦譏
時宰又其家有潛光亭

商隱堂鄭擘併作啟上秦公檜云亭號潛光盖有心
於黨李堂名商隱本無意於仕秦後遷南雄以死
題

詠庾嶺南邊第一州

章希言詩凌江清淺繞城流云云惟有梅花傳遠信只憑萱草緩離

憂

一麾遠在百蠻中

前黃梅雨歇荔支紅
前人青草瘴深廬橘熟云

云

兩州南北護梅關

章穎詩云云盡日人行石壁間

四六

禁分漢竹來訪嶺梅

斗牛共域江嶺分岐

惟凌水之名邦號廣南之道院

章郇公舊治之邦尚存善政度嶺而南尚接中州之美俗張相國始生之地可想高風浮江而下實為東廣之上游

南恩州

陽江陽春

建置沿革

禹貢揚州之域斗牛之分野春秋時為百粵地秦屬南海郡漢置合浦郡今州即合

浦之高涼縣地也吳屬高興縣置海安縣宋屬東官郡齊置齊安郡海安以縣屬焉梁置陽春郡隋廢郡

入高州置高涼郡以海安陽春二縣隸焉唐立春州
太宗又立恩州改恩州為恩平郡後為恩州皇朝察
春州以其地隸恩州尋復置春州仁宗時以河北路
貝州為恩州仍於舊恩州上加南字今領縣二治陽
江

事要郡名恩平

鼉山

唐郡

風俗與夷獠雜居

春州記

瘴癘

以春州為首

同上四方言云云故允
補吏得罷必加優賞焉

五馬名目

倦游錄
載陳亞

滑稽之語云使君之五馬雙旌名目
而已螳螂之一文兩箇真實不虛

其地下濕宜稻同上

耕種多在洞中

寰宇記土地多
風多旱云云

郡兼山海之利

恩平志
云云富

於魚形勝南濱巨海

郡守丁璉學記恩平古郡漢
屬合浦云云耳目遠於中州阻山

瀕海

圖經恩平與廣右接壤云云

孤絕海隅

李觀翠巖亭序

襟帶巖洞

春州記東

南湊大海繞百里環山繞林云云

昔春勤三州之地

巖山志序云今之陽江蓋併唐之三

縣而陽春乃云云

當五州之要路

投荒錄當海南五郡泛海之路頗有廣陵會稽賈人循海

而不至故吳越所產不乏於斯

山川東山

在州之東舊築熙春臺於其上

羅琴山

在州西二

十里昔羅舍嘗携琴遊此

射木山

在陽春縣春州記

龍巖山

在陽春縣為南

服之冠

鳳凰山

一名北甘山倦游錄此山壁立千仞有瀑水飛下猿猴不能至鳳皇巢其上遇大風

雨或飄墮其雛

鐵坑山

在陽春縣東○胡邦衡詩初疑金谷嶺元是——人云茲地惡我愛碧孱顏

峒石山

在陽春縣巖谷幽遠○胡邦衡詩茲處山皆石他山盡不如固非從地出疑是補天餘下漏一

拳小高凌千仞虛奇章
應未見名不到中書

望海岡

在州南二里

金雞石

在州西北郡國

志石上時

漠陽江

在陽江西流入大海

恩平江

在城界平城山發源

亭臺揖

秀亭

胡邦衡詩云青山如
高人可揖不可致

熙春臺

在州東北高跨嶺首下視南溟

望海

臺

胡邦衡南遷賦詩君恩寬
煙閣聊登一一山為翠濤湧
逐客萬里聽歸來未上凌
潮拓碧天開日斷飛

雲處終身愧老萊

古跡劉王女冢素馨花

舊名邦悉茗昔劉王
女名素馨冢上生此

花傳伯成詩見泉州

名宦皇朝李綸

邴之子寓居泉南所至有清
操提舉廣東常平日適伯氏

繼出守恩平酌別江濱相勵以清白綸慷慨臨江矢
天曰儻負君民有如此水遂投孟于江孟傳不沒

名

賢胡銓

謫居自號澹菴

題詠荒城斗樣大

郡守王子明賦西樓
詩云西江橫玉虹西

山羅畫屏云云此樓何崢嶸炎嶺狀隴蜀三洲通蓬瀛
人煙幾村落數點如晨星誰謂海一涯好峯無數青

簿書休吏早

黃狀元度隆蔭堂詩
云云花鳥向人閒

縣古松杉老

胡邦衡詩云云

人居水竹間字民無
獄訟携客有江山

四六

續綸鼇禁
剖竹鼉山

畫地千里
負海一隅

包春勤二州之地
得嶺嶠五馬之名

海船所經當五州之要路
郡城雖小介二廣之提封
山石補天餘乃胡澹菴之見賞
簿書休吏早有黃文昌之留題

新州
新興

建置沿革

古南越之地星土分野與廣州同秦屬南海郡漢置臨允郡屬合浦郡吳屬蒼梧郡

東晉穆帝始分蒼梧立新寧郡又分臨允地置新寧縣以屬焉梁武改置新州立新興縣隋廢州以新興

縣屬信安郡唐又置新州改新昌郡復為新州
後國朝因之陞威塞軍節度今領縣一治新興

事要郡名新昌

見公臨允 元和志云今州即漢
草注 合浦郡之

風俗瘴

氣最惡

郡縣志云云嶺外代答今俗以
新州為大法場英州為小法場

俗以雞卜

骨一吉凶漢書
越巫以雞卜即此

民薄產而多貪

崔頥題名記地
僻境隘云云

喪祭

則鳴銅鼓

寰宇記 豪渠之家云
云名衆則鳴春堂

此路荆棘

元祐間 范忠
宣為右僕射

有吳處厚者以蔡確題安州車蓋亭詩來上以為謗
宣仁太后怒曰蔡確以吾比武后當重謫呂汲公為左

丞不敢言初議貶確新州忠宣謂汲公曰
云云已七八十年吾輩開之恐自不免

土產異花

有花

曰優曇鉢似琵琶
無花而實

異木

寰宇記 山多香木謂之密香辟惡
氣殺鬼精。斷續藤山行渴則斷

取汁而飲之號曰東風菜。○勾緣藤。藤
南人績以為布。○木葵可以為扇。異禽。越王鳥似鳶而口勾可受

二升。南人以為酒盃。○雲白鳥能禁蛇。○乾闥婆城。二
有鷄鳥似山雞。以家雞聞之則可擒。其翬有光。漢以飾

侍中冠。○桂山。異獸。桂山有黑猿。鼯鼠。○江中有山川
有翡翠孔雀。潛牛形似魚能上岸與牛鬪。

龍山。在州南。錦山。在州南。金山。在信安縣。銀山。出白。天露山。在州東南

二十里。高雲秀山。在州東二十五里。寶蓋山。在州西五里。瑞峯山。在

北七里。桂山。在新會縣西。南海。在新會縣南百五十里有浮洲襟帶甚遠山挺方木

水食新江。新興縣南。階湍。寰宇記在永固縣南魚鼈不
珠母。新江。二百里。階湍。可至。雖呂梁之險無以過石

如階級。三章溪。允吾縣南。新昌水。經永順縣。院宇道院
故也。

在州宅郡守
魏彥琳建

澹庵

在嶽祠東胡
邦衡居焉

覺軒

在龍山寺方丈後
左丞王履道為銘

曰本自不迷何者為一惟無舌人滿口道着
龍山名一無病求藥從而銘之分一半錯

園亭十仙

園

在郡西南謂新昌官屬自郡守而下
止十員訟簡用足宦遊若神仙焉

雙溪亭

彭德遠

詩碑乃唐光府君清德碑一沉東江之上故詩云雨過
畫橋橫蝟蝓月明玉塔卧清澗景全堪作吾鄉冠還有

沉碑客
未看

相遊亭

在秀羅寺後蔡持正
喜遊之僧因以名

橋梁仁義橋

在東門外

跨江三十六
間覆以瓦屋

名宦張柬之

武三思使鄭愔告柬之與
王同皎通謀貶新州司馬

皇

朝梁立則

熙寧中為守於郡西十里得白
蟾坑決其水灌田至今為利

黃濟

靜江府
人紹興

間守新州舊無城濟以笏竹環植之
羔豚不能徑號竹城至今以為利

名賢郭元振

遷吏部尚

書元宗講武驪山
軍容不整流新州

皇朝劉摯

字莘老以論新法貶新州

鄒浩

為正言乞追停

劉后冊禮
編管新州

蔡確

誦居

胡銓

為密院編修上書乞斬秦檜誦新州

胡寅

為起居郎排和

議忤秦檜
謫新州

題詠

仁義橋邊楊柳斜

蔡持正詩云云洗亭岡畔種桑麻

龍

山水遶祖師塔

前人國恩禪寺乃六祖故居寺有木塔安祖師像

夏院雲埋宰

相家

前人

四六

炎嶺窮陬 雖曰炎荒

實稱道院

地居嶺海之窮 郡自晉唐而創

事簡訟稀官屬有十仙之號 郡在炎陬雖達宦美官之罕至 民貧地僻州城劣千里之封 時稱惡地乃騷人遷客之辱臨

方輿勝覽卷三十七